

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Cap. V. De variis obligationibus venditoris & emptoris ante & post
venditionem.

[urn:nbn:de:hbz:466:1-73957](#)

moda rei dicantur pertinere ad emptorem tanquam dominum, de quo vide dicenda paulò infra. Sed neque in contrarium obstant. *L. item quod. l. Imperator. ff. de in diem addic. l. fundo. ff. de leg. commissor.* ubi, quòd, refusio contractu, emptor teneatur rem unā cum fructibus restituere. Disparitas namque est in eo, quòd, dum res emitur cum pacto addictionis in diem vel legis commissoriae; item si actione redhibitoria resolvitur contractus, res reducatur in eum statum, ac si empta non fuisset, nec contractus aliquis exstitisset; nulla autem lege res redigatur in illum statum, refusio contractu ob laſionem ultra dimidium. *Castrop. loc. cit. num. 4.* Reiffenst. b. t. num. 385. ad argumenta alia ab advertariis de sumpta ex aliis legibus responsum a Castrop. a num. 4. quem vide. Dixi tamen: *Si laſio facta bona fide:* si enim facta dolosè & mala fide emptoris, dolo dante causam contractui, emptio & venditio est ipso jure nulla. *L. eleganter. ff. de dolo malo, junctā Gl. v. si in hoc ipso,* nisi forte vendor tenuerit rem, nolit rescissionem contractus, sed velit supplementum pretii; tunc enim valebit contractus in præjudiciu mali, ubi autem emptio nulla est, emptor nullum acquirit rei dominium, nullumque habet alium titulum fructus faciens suos.

2. Resp. secundo: Tenetur quoque vendor in casu electæ ab emptore laudente bona fide seu sine dolo rescissionis refundere expensas, si quas necessarias aut utiles in rem emptam fecerit; potestque emptor talis conventus objicere tales sumptus & melioramenta exigere, ut sibi prius solvantur, quam dicta actio, sibi intentetur. Arg. *l. intra utile. §. ult. ff. de minor.* Bald. in l. 2. C. de rescind. vend. Pinel. p. 2. c. 3. num. 2. Fachin. l. 2. c. 20. Castrop. loc. cit. §. 12. num. 2. Et cum communis contra Salicet. Siquidem loquendo in genere, possessori bona fidei, (qualis est talis emptor, cum possidat ex legitimo & valido contractu, et si rescribendo. *L. bona fidei. ff.*

de V. S. & cuius bonae fidei non obstat laſio ultra dimidium. *l. si superflue. C. de dolo. Castrop. loc. cit.)* casu quo restituere debet, debent sumptus & melioramenta restituui. *l. si prædiuvi. C. de præd. minor. l. in fundo. ff. de R. V.*

3. Resp. tertio: Dum vendor ab emptore laſio convenitus eligit, ut potest, rescissionem contractus & restitutionem rei, vendor totum pretium reddere tenetur, seu non usuras, seu quod inde lucratus. Lauterb. ad ff. de rescind. vend. §. 52. citans Molin. tr. 2. d. 149. num. 13. emptor quoque restituere tenetur rem, non tam men fructus. Castrop. cit. §. 10. num. 7. Lauterb. loc. cit. estque ratio quod leges permittentes in hoc casu rescissionem loquuntur æqualiter de venditore & emptore, æquitasque id ipsum exigat, ut nimis vendor laudens potitus toto illo tempore pretio illo excessivo, neque usuras ex illo perceptis reddere teneatur & nihilominus recipiat rem cum omnibus fructibus ex ea perceptis Molin. loc. cit. tametsi Castrop. cit. §. 13. n. 7. dicat, contrarium tamen tanquam indubitatum teneri ab Abb. in c. illo vos. de pignor. n. 6. Pinel. p. 2. c. 4. n. 28. Gutt. loc. cit. q. 134. n. 3. Zoël. ad tit. de rescind. vend. n. 32. in fine, & alias citatis Resp. 1. èo quod talis emptor laſus voluntarie eligat rescissionem, dum possit ab illo beneficio celare; & quod alias quotidie daretur occasio fraudibus, dum etiam quis ex industria emeret carius, & non ageret ad rescissionem, nisi post plurimum annorum perceptos fructus, sciens se fructus retenturum, & pretium sibi restituendum. Ad qua tamen bene respondet Lauterb. §. 53. quod qui sponte rescindit contractum ex justa causa, utitur jure à legibus concessio, & hinc carere non cogatur fructibus perceptis, & quod dici non possit fraudem committi, dum quis justo titulo rem ab alio accipit, eaque ad tempus utitur percipiendo ex ea fructus, pro qua tam excessivum pretium solvit, dum interea alter ex eo pretio lucratur aut lucrari potest, illudque lucrum retinere.

CAPUT QUINTUM.

De variis Obligationibus Venditoris & Emptoris ante & post Venditionem.

Quæst. 290. An & qualiter vendor teneatur manifestare emptori vitium rei emende?

1. **R** Esp. primò: Dum emptor expressè vel tacite interrogat de vitiis rei in genere vel specie, non potest vendor dolosa & equivocatione celare, multò minus negare vitium, sed tenetur manifestare, quod nisi fecerit, venditio erit illicita, iniqua, & probabiliter invalida (de quo postremo tamen vide dicenda inferius, ubi de actione redhibitoria) si vitium est tale, quo cognito, emptor non fuisset rem empturus, etiam diminuto pretio; quia jam dolus dat causam contractui. De Lugo cit. d. 26. f. 8. n. 188. secus est, si defectus est parvi momenti, & quo cognito adhuc empturus fuisset, sed non tanti; in quo casu pars illa pretii, quā minus valet ob illum defectum, restituenda est; quia quod ad illam partem dolus dedit causam contra-

ctui. De Lugo loc. cit. contractu de reliquo valido, non tamen licito, nisi non obstante tali defectu, etiam adhuc tanti rem emiserit, licet non cum facilitate & promptitudine.

2. Resp. secundo: Dum vitium qualecumque per se est manifestum & patet suavis non est obligatio ulla de eo monendi emptorem, estque venditio illius, manendo intra terminos iusti pretii, valida & licita loquendo regulariter. *L. ea qua. ff. de contrah. empt. l. 1. §. si intelligatur. ff. de adilit. edidit. D. Thom. 2. 2. q. 77. a. 3. ad l. Molin. d. 353. n. 17. Sylv. v. emptio. q. 19. Nav. in man. c. 27. n. 29. Laym. l. 3. tr. 4. c. 17. §. 2. n. 14. Castrop. tr. 33. d. 5. p. 22. n. 6.* Quod si tamen vendor ex circumstantiis adverteret emptorem ob simplicitatem & imperitiam suam (quod raro est præsumendum) vitium non animadvertere, tenebitur saltē in foro conscientia de vitio monere illum; quia respectu talis emptoris vitium se

R. P. Lenz. Jur. Can. Lib. III.

perinde habet, ac si esset penitus occultum. Molin. Laym. *LL. cit.* Pet. Nav. *de restit. l. 2. c. 2. du. 7. num. 54.* Castrop. *loc. cit. num. 7.* citans in super Tolet. Salon. Patacios. Rodriq. &c. Idem esse, si emptor ex negligencia vel inadvertentia vitium non observare dignoscitur. Abb. *in c. iij. st. de ver. permis.* Medin. *de restit. g. 34.* Reiffenst. *b. t. n. 175.* contra Tolet. Salas &c. eò quòd licet penes emptorem sit culpa aliqua, vendor tam id advertens, non monendo illum videatur committere dolum, qui præpondet culpe emptoris. Arg. *l. si obsterix. ff. ad leg. Aquil.*

3. Relp. tertio: Dum vitium occultum est circa substantiam rei, v. g. venditur vitrum pro gemma, non manifestatum reddit contractum invalidum ob defectum consensus emptoris, utpote nolentis emere rem illam, sed aliam & diversam in substantia; est communis juxta *l. in venditionibus. ff. de contrah. empt. junct. l. 2. & 11. C. eod.* Proceditque etiam, dum vendor ipse decipitur vendens gemman, quod putat esse vitrum. Etiam dum emptor confidit erroris diceret venditori, num velit sibi donare, si quid amplius valeat, & si annueret, ut contra Cajet. Armill. &c. tenent. Molin. *tr. 2. d. 353. §. Cajet. Lell. l. 2. du. 11. n. 48.* Rebell. *de oblig. iust. p. 2. l. 9. g. 8. n. 9.* Salas. *tr. de emp. & vend. du. 36. n. 3.* & alii, quos citat & sequitur Castrop. *l. c. n. 2.* eò quòd non sit donatio; tum quia procedit ex ignorantia valoris rei vendita; tum quia ad rem praestandam quasi ex contractu ipsius venditionis obligatur, cum sub ea conditione emptor rem emit, ut vendor ampliorem rei estimationem remittat. Posse tamen rem unam pro alia substantialiter diversa vendi licet & validè, dum ea æquè vel ferè æquè utilis ad eundem finem quam res, quam emere intendebat emptor (quemadmodum pharmacopolæ unum medicamentum dare solent pro alio, quod non habent) modo descendatur in pretio, quantum res illa substituta minùs valet, contra Medin. & alios affirmant Tolet. Valent. Henriq. Salon. Sotus Bann. quos citat & sequitur Salas. *du. 34. num. 1.* apud de Lugo *loc. cit. num. 124.* qui id probabile sibi videri ait, quibus Reiffenst. adjungit Sanch. *l. 7. de matrim. d. 18. num. 12.* eò quòd licet substantia physica sit diversa, non tamen videatur esse diversitas moralis in ordine ad intentionem emptoris, qui primariò intendit emere rem utilem ad talem finem, de Lugo *loc. cit.* His non obstante, quòd matrimonium sit nullum, dum substituitur alia foemina æquè bona & fortè melior; quia in eo conjux determinavit de facto intentionem suam ad hanc in individuo foeminam, ut Sanch *loc. cit. num. 13.* Non posse tamen vendi rem, cui admixta alia materia deterior, eo tamen artificio, ut ut rem non redderet deteriorē cā, quæ communiter eo pretio venditur, contra Lell. *loc. cit. num. 83.* Salon. *2. 2. g. 77. a. 2. cont. 2.* Laym. *l. 3. tr. 4. f. 5. c. 17. §. 2.* ait Castrop. *loc. cit. num. 3.*

4. Resp. quartò: Dum vitium circa qualitatem rei versans est tale, ut ea ad usum finemque intentum ab emptore nullatenus vel parum sit utilis, aut etiam nociva. V. g. dum pecus est morbidum, equus furiosus, pannus in coloratione adustus, servus ebriosus furtivus &c. vendor, etiam non interrogatus, & licet pretium juxta exigentiam vitii diminuat, tenetur ex justitia vitium manifestare. *L. 1. & seq. ff. de adilit. edit. l. quero. l. 1. Julianus. ff. de act. empt.* D. Thom. *2. 2. g. 77. a. 5.* Castrop. *loc. cit. num. 8.* de Lugo

l. c. n. 127. cum communis; videturque venditio non tantum rescindenda ob dolum commissum à venditore, sed etiam nulla ob defectum consensus emptoris, qui est de essentia venditionis, dum emptor confitetur nunquam consensisse in emptionem rei sibi omnino inutilis aut noxia; & sic venditionem illam, etiam absque justi pretii excellū factam, ob defectum illum intentionis emptoris esse nullam, docent apud Castrop. *loc. cit. num. 9.* Molin. *d. 353.* Salaf. aliis relatis. Unde etiam sequi videtur, venditore, dum vendidit rem invincibiliter ignorans taliter defectuosa, ad restitutionem pretii, nisi forte uterque contrahentium ignarus vitii, nihilque de eo suspicatus aperte protestatus fuerit, se emere & vendere rem, qualis ibi venalis expolita est, sive postea inventa bona, sive vitiosa; quia tunc videtur non defuisse emptori consensus. Si vero venditor conscius vitii rena venalem exposuit de cetero, & vendidit tacito vitio, tenebitur quoque resarcire omnia damna ex eo silentio emptori subsecuta, ut Lugo *loc. cit.* Procedunt hæc etiam, dum emptor emit rem, non ad specialem usum pro se, sed ut iterum revendat eam alteri. Cajet. *2. 2. g. 77. a. 3.* Nav. *in man. c. 15. n. 89.* Pet. Nav. *de restit. c. 2. du. 7.* Castrop. *cit. num. 9.* erit enim vendor ille causa, ut emptor credens rem sanam esse, vendat eam alteri, nihil de pretio ratione vitii diminuens; adeoque tenebitur ad resarcendum damnum inde ortum huic secundo emptori; ad hæc deesse videtur consensus primi emptoris, utpote qui rem non nisi sibi vel aliis, quibus eam revenditur est, utilem emere intendit.

5. Limitanda tamen responsio videtur primò ita, ut si res adhuc cum vitio illo occulto digna sit tali pretio, & communiter eo emi soleat, venditio sit justa, licet utilis non sit ad usum illum, ad quem emptor eam emit, modo emptor non dicat (idem videtur, si id vendor ex aliis circumstantiis manifestè colligat) se ad talem usum rem emere; ita de Lugo *loc. cit. num. 124.* idem docent apud Castrop. *loc. cit. num. 10.* docentem contrarium Antonin. Gabr. Armill. addita etiam hac ratione, quod vendor non teneatur spectare fines speciales emptoris, sed rem simpliciter sanam & utilem venalem exponere, æquando pretium cum re vendita. Secus est, seu vitium manifestandum est, si ex communi modo, quo merces venales proponuntur in tali loco, ubi ad talem usum ut plurimum emi solent, significatur casus utilis ad talem usum emi; nisi enim tunc manifestetur vitium, ob quod inutiles vel parum utiles sunt ad talem usum, tacitus dolus intervenit per hoc, quod vendor in his circumstantiis eas exponendo venales, tacite indicat eas ad talem usum utiles esse. De Lugo *loc. cit.* dicens id etiam procedere, et si descendatur in pretio. Sic etiam adhuc tam in foro interno quam externo rescindi posse contractum, si res per se ad finem, ad quem emi solet sit inutilis, licet hic & nunc per accidens sit emptori; eò quòd spectanda non sit utilitas emptori per accidens contingens, sed an res per se sit utilis ad finem, ad quem plerumque emi solet, afferit Castrop. *l. c. n. 17.* citatis Molin. *d. 355. §. illud admonerim.* Rebell. *l. c. l. 9. g. 9. num. 5.* Limitanda secundò videtur responsio juxta probabilem ita, ut neque in foro interno neque externo sit obligatio manifestandi vitium, quod reddit rem leviter solùm inutilem ad finem & usum ad quem emi solet, tametvendi-

vendor sciret emptorem non empturum agnito
vitio, ut contra Abb. in c. *injustum de rer. permitt.*
Nav. *man. c. 23. num. 89.* Jo. Medin. Rebell. &
alios apud Castrop. *loc. cit. num. 14.* tenet idem
citatis S. Tho. 2. 2. *quest. 77. a. 3.* Valent. d. 5.
quæst. 50. p. 4. concl. 2. Soto, de *Jus. 1. 6. qu. 4.*
a. 2. concl. 5. Molin. d. 353. *post 7. concl.* Pet.
Nav. de *ref. 1. 3. c. 2. num. 59.* Laym. l. 3. tr. 4.
c. 17. §. 2. n. 15. Arg. l. 1. §. *proinde ff. de edilit.*
edit. & ea potissimum ratione; quod in talem oc-
cultationem vitii non adeo noxi videantur emen-
tes & vendentes consentire, ne aliis passim con-
tra eos dissolvi possent cum magno saepe mercato-
rum damno; aut etiam quod, si omnes circum-
stantiae manifestarentur, emptores saepe ab em-
ptione cessarent, mercionia deficerent, merca-
toribus remanentibus sine lucro, mercibus inter-
rim invenditis corruptioni expositis. Quæ omnia
spectantia ad bonum commune levii incommode
& jactura, quam non manifestata sibi defectu ex-
guo emens subit, præponderant. Neque his ob-
stant, qua habet Ambros. l. 3. *officior. c. 10.* in
contraictibus vitia eorum, qua vaneunt, prodi ju-
bentur, ac nisi intimaverit vendor, quamvis in
jus transferint, dolis actione vacuantur, &c. uti nec
alia leges familia habentes. Quia, ut Castrop. cum
Molin. intelligenda de occultatione vitii, quod
mercem notabiliter iniurie reddit. Neque etiam
obstat, quod dicta occultatio reddat emptionem
aliquo modo involuntariam, cum relinquat sim-
pliciter voluntariam.

6. Resp. quinto: Dum defectus occultus est
in pondere vel mensura. V.g. dum quis emit vo-
lumen panni continens 45. ulnas, quod putat con-
tinere 50. tenet vendor illum defectum mani-
festare, vel juxta proportionem defectus pre-
mium minuere, quod ubi non fecerit, venditio qui-
dem est valida, iusta tamen; quia non servatur
æqualitas, & fraus committitur, ac proinde datur
emptori actio redhibitoria, vel quanto minoris.
Castrop. *loc. cit. num. 5.* cum communis. Licere
vero etiam absque obligatione restituendi minuere
mensuram, v. g. ulnam, ut justum premium con-
sequaris, illud alias non consecuturus. V. gr. in
casu, ubi premium inique laxatum & justo minus
statutum, vel ubi emptores inter se convenuerunt,
ne premium justum offeratur, astruunt. Molin.
d. 353. *in fine.* Rebell. *loc. cit. quæst. 10. in fine.*
Laym. *loc. cit. num. 15.* Salas. *loc. cit. du. 35. n. 4.*
apud Castrop. *loc. cit.* iis non contradicentem. Eo
quod sic servetur adhuc æqualitas inter datum &
acceptum; & venditores non teneantur cum in-
justo damno vendere, vel mercaturam seu officia
sua Reipublica necessaria exercere. Monent ta-
men citati AA. dictos casus non tam facile admittendos;
cum iniquitas in tali taxatione facta à Magis-
tratu vel persona publica, aut etiam in communi-
tate ementium non facile præsumatur. Unde
etiam in dubio justi pretii talis fraus seu vitiation
mensura nullatenus adhibenda.

7. Resp. sexto: Dum vitium est in pretio, v. g.
pecunia, quam quis pro pretio solvit, non est tanti
vel etiam certi valoris, sed dubii aut litigiosi, te-
netur id totum venditori ignoranti manifestare. De
Lugo. *loc. cit. f. 7. §. 2. num. 1.* qualiter autem, si
emptor sciat valorem pecuniae post unum alterum
vè diem minuendum decreto publico, an possit de
hoc non monito venditore, adhuc currente pre-
tio rem emere, dictum est supra *quæst. ante hanc 5.*
vide etiam de hoc fusè agentem de Lugo, *loc. cit.*

Quod attinet onera rei venditæ imposta, an &
qualiter ea manifestare vendor dicetur, *quæst. post*
hanc 4.

8. Illud hic adjiciendum ex de Lugo, *loc. cit.*
num. 135. illum, qui merces ob vitium occultum
vilius justo pretio vendit sine prajudicio empo-
rura committere injustitiam contra alios mercato-
res, dum hi, nisi velint destitui emptoribus ad alium
tum minoris vendentem concurrentibus, coguntur
merces suas meliores & vitio carentes eodem viliori
pretio vendere, si hoc frequenter faciat, ita ut
ratione hujus deceptionis mutetur premium com-
munis fori; eò quod sic per fraudem abducatur
emptores ab aliis mercatoribus habentibus jus, ne
per vim vel fraudem emptores ab iis removeantur.
Secus verò, seu non committi illam injustitiam, &
ea occasione non minuatur premium commune fori.
Ita de Lugo, qui etiam addit, non credere se con-
demnando esse eos, qui artificiose efficiunt, ut
merces suas appareant meliores aliorum merci-
bus, utpote quod omnes facere conantur circa ta-
citung dolum; cum per hoc nec tacite neque ex-
pressè dicant suas merces esse meliores.

*Quæst. 291. An & quantum restituere
teneatur, qui merces vitio affectas
vendidit?*

R Esp. Præter sparsim de hoc insinuata quæst.
præced. si vendor conscius vitii occulti illud
non manifestavit, tenetur restituere & compen-
sare onne damnum, quod inde emptori & aliis
emergit. D. Thom. 2. 2. *quest. 7. a. 8.* Molin.
d. 303. cum communis juxta expressum textum *L. Julian.*
ff. de aet. empti. Si vitium ignoravit, non
tenetur ad ulla damna compensanda, sed tantum
ad restituendum id, quanto minoris emisset em-
ptor, si vitium cognovisset juxta *cit. L. Julian.*
Molin. *loc. cit.* Leff. Nav. *Sylv.* & alii apud Reif-
fenst. b. t. n. 187. cum communis, vel etiam juxta
dicta, *ref. 4. ad quæst. præcedent.* ubi res vendita
ob vitium proflus inutilis deprehenditur, ad totum
premium restituendum, nisi forte premium esset præ-
scriptum, vel bona fide absumptum absque eo,
quod vendor inde factus dicitur. Quin etiam, si
emptor inculpabiliter ignorans vitium, & nullatenus
de eo suspicatus, ad majorem tamen caute-
lam tempore venditionis sic expresse pactus fuisset
& dixisset, se tanti vendere & non aliter, nec velle
teneri se ad quicquam ratione vitii, si forte ali-
quid inesset, postmodum apparente vitio ad nihil
tenebitur. Arg. *L. quaro. ff. de aet. empti;* & ea
ratione, quod hoc ipso, quod emptor voluntarie
& scienter in se suscepit periculum, eventum
quoque periculi in se suscipere debeat, & scienti
& consentienti non fiat injuria aut dolus; citat
pro hoc Reiffenst. n. 185. Molin. *ubi ante. n. 16.*
& aliorum communem. Secus tamen est, & non
juvat venditorem vitii consicum, quod tali modo
pactus fuisset; sed tali pacto seu protestatione non
obstante, tenebitur resarcire emptori omnia damna;
cum talis clausula non patrocinetur nisi ignorant
vitium, *cit. L. quaro.*

*Quæst. 292. Num emptor quoque tenea-
tur monere venditorem de bonitate
rei?*

1. R Esp. Tenetur emptor gnarus bonitatis rei
venditori simplici & ejus ignaro eam mani-
festare, vel ultra illud, quod vendor petit, augere
pre-

pretium usque ad pretium justum saltem insimum, alias erit injusta, cum non soluat pretium æquivalens rei venditæ. D. Thom. loc. cit. a. 2. de Lugo d. 26. s. 8. §. 1. num. 136. remittens ad Molin. d. 353. §. quarta conclus. Salaf. loc. cit. du. 36. & alios. In quo tamen casu non interveniret dolus emptoris, sicut si interveniret, si interrogatus à venditore de bonitate & valore rei, eam negaret, aut fingeret se eum ignorare. De Lugo, loc. cit. quemadmodum etiam ab eo non excusat, nec manet tutus in conscientia, si dicat venditori ignorantis pretium, se velle rem illam sine scrupulo emere, ac proinde videat, an velit eam pro illo pretio dare, remittendo seu donando; si quid amplius valeat, & venditor consentiat. Ita contra Cajet. in summ. v. emptio. Armillam &c alios apud Salaf. du. 36. num. 2. quorum sententiam omnino improbatibilem dicit. Molin. cit. d. 353. §. Cajeitanus; eam rejiciunt Salaf. loc. cit. num. 1. citatis Palatios, Salon. Bann. &c. item de Lugo, loc. cit. num. 137. eâ ratione, quod venditor in hoc casu non condonet spontaneo & gratuitò, sed ex pacto oneroso, ut emptor, qui alias emere non vult, emat soluto aliquo viliori, ut de Lugo. Et certè, ut idem, si talis emptor excusari posset, jam sequetur excusari posse omnem emptionem infra justum pretium insimum factam, interrogato venditore, an contentus sit eo pretio, condonando si quid amplius valeret. De cetero, si tam emptor quam venditor ignarus valoris rei convenienter in pretio, condonando sibi invicem defectum vel excessum, si quis fuerit, neuter obligatur postmodum restituere; quia uteque æqualiter se commisit fortuna. Ita de Lugo, loc. cit. num. 138. qui tamen cum Molin. loc. cit. ait, quod si periculum non sit utriusque æquale, contractum non fore justum ex parte illius, qui sciebat se minori periculo exponi.

2. His non obstantibus, emptor agri, in quo sit latere thesaurum, non tenetur hoc ipsum manifestare venditori, neque etiam propteræ pretium augere. Molin. Tom. 2. d. 253. n. 12. Sotus de Just. quæst. 5. a. 3. ad 2. Turrian. d. 43. du. 3. num. 1. Vasq. c. 5. §. 4. du. 2. num. 35. Less. c. 5. du. 15. num. 60. Valent. Salonius, &c. quos citat & sequitur. De Lugo de 7. & 7. d. 6. s. 11. n. 126. dicens communem & veriorem contra Angel. Tabien. &c. Ratio dari solet: quod, cum thesaurus ante inventionem non acquiratur domino agri, is vendito agro non vendit thesaurum, utpote qui illius non est; adeoque justo pretio emitur ager ut condistinctus à thesauro, etiam ab eo, qui sit eum in agro latere. Quam tamen rationem difficultem ostendit de Lugo. Unde eâ dilutâ & relictâ hanc eum Molin. & Less. assignat: quod pretium rei justum non sumatur præcile ex majore utilitate rei, sed ex communi estimatione hominum, qui quandiu ignorant latere in agro thesaurum, eum pluris exinde non estimant, ac proinde major illa utilitas, quam res habet, soli emptori cognita non auget estimationem agri, quam is habet communem apud homines, quæ estimatione est immediata regula & mensura justi pretii. Idem ob eandem rationem astruit de Lugo, num. 129. de thesauro invento in re mobili. V. gr. in sacco pleno lana, vel etiam quem miles hosti ablatum vendidit.

Quæst. 293. An & qualiter teneatur venditor ad rememptam tradendam, & emptor ad solvendum pretium?

1. Resp. ad primum: Contractu emptionis & venditionis mutuo consensu essentialiter & substancialiter perfecto, (neque enim ad ejus substantiam juxta dicta supra spectat traditio rei & pretii, sed solum ad ejus completionem transferendum rei empta dominum in emptorem exceptis quibusdam casibus est necessaria,) impletisque conditionibus, sub quibus de re pro pretio tradenda inter contrahentes conventum est, emptori offerenti pretium vendor rem tradere, & venditori hanc offerenti emptor pretium numerare tenetur, ut neutri altero invito à contractu recedere liceat. Molin. de 7. & 7. tr. 2. d. 337. num. 1. Perez. in Cod. de contrab. empt. num. 1. Muller. ad Struv. in ff. b. t. thes. 106. lit. a. juxta l. 11. §. & imprimis ff. de act. empti. §. sed & certum Inst. b. t. Et si conventum de tempore & loco, quo res tradenda, si debito tempore & loco vendor rem non tradiderit, propter moram, & quod illo tempore tradita non fuit, condemnatur ad interesse, & omnis utilitas, quam ex re tradita habere potuisse, in estimationem venit. Struv. ad ff. tit. de act. empt. rb. 110. &c in hac estimatione consideratur tempus, quo res plurimi fuit, sicut contra si emptor in mora fuit, consideratur tempus, quo res minoris fuit. Muller. ad Struv. l. c. Ut autem vendor constitutatur in mora, compellendus est, & sufficit una monitio seu interpellatio extrajudicialis, cum sit debitor ex contractu bona fidei. Muller. loc. cit. citans Perez. de usur.

2. Resp. ad secundum primum: Prior ad traditionem tenetur is, qui rem aut pretium convenitum sibi tradi prior pettit, sive si venditor sive emptor; cum generale sit, eum, qui ad ultro citroque obligatorii contractus impletionem agere & alterum cogere vult, eum prius implere, aut ad eum implendum paratum esse. Wieltn. b. t. num. 24. juxta L. Julianus. §. 8. & L. qui pendentem ff. de act. empti. Porro pretio soluto ante traditionem, potest emptor agere ad traditionem rei; ubi vero id omittit, negligenter ei nocet, l. 173. ff. de reg. Jur. Mora autem emptoris esse videtur, si nulla difficultas venditorem impedit, quod minus tradaret, praesertim si omni tempore paratus sit tradere, §. 3. Inst. b. t. Muller. ad Struv. ad tit. de peric. & commod. rei vend. rb. 94.

3. Resp. ad secundum secundum: Tenetur vendor emptori petenti impletionem contractus rem ipsam præcile tradere, si potestem habet tradendi, & non satisfacit præstando solum interesse, seu quod interest emptoris rem ei non tradi. Ita contra Fachin. l. 2. controv. c. 30. citantem pro se Socin. & Alciat. & plures leg. ut videre est apud Castrop. loc. mox. citand. Felinus in c. Joannes. de fide instrum. num. 34. Abb. ibid. num. 16. Covar. 2. var. c. 19. num. 1. Perez. loc. cit. num. 8. Alex. Decius, Jason ad L. certi conditio. ff. si certum petatur; & alii, quos citat & sequitur Castrop. tr. 33. d. 5. p. 13. num. 2. item Muller. loc. cit. pro hac sententia citans quam plurimos. Lauterb. ad ff. tit. de act. empti. §. 8. juxta L. ex empto. §. 1. ff. de act. empti. §. 1. Inst. b. t. Neque enim vendor ab initio obligatus fuit alternative, vel ad rem tradendam, vel ad interesse præstandum, sed in specie ad rem tradendam. Castrop. Mull. Lauterb. L.L. cit. Wieltn. b. t. num. 30. Arg. cit. L.L. & l. 19. C. de act. empt. & certe, si sic alternative tantum obligatus fuisset, posset dissolvere contractum, reddendo emptori pretium. Castrop. qui & posset rem venditam uni licite vendere & dare

dere alteri, praestando interesse primo emptori. Ad haec servanda paritas inter venditorem & emptorem, ita ut sicut hic obligatur ad solvendum praeceps pretium, & non satisfacit praestando quid aliud aequivalens; sic iste ad rem tradendam, ut non satisfaciat praestando quid aliud. Addit, quod haec ratione longe deterior reddatur & admodum dura conditio emptoris, dum ei imponitur necessitas probandi interesse. Porro procedere hanc sententiam non tantum in foro interno, sed & in externo probabiliorē pronunciat Caltrop. Neque contra eam urget, quod in obligatione facti obligatus seu debitor liberetur praestando interesse per l. 13. ff. de re jud. l. 72. & 75. §. fin. ff. de V.O. l. 25. §. 1. ff. de contrab. empt. Nam id procedit, dum obligatio respicit nudum factum hominis personale, seu nudas operas humanas tanquam finem praecipue & ultimā intentum. V. gr. arationem, vecctionem, &c. nullum alium effectum juris post se trahens; à tali enim facto praestando liberabitur praestando interesse, seu quantum interest alterius illud praestitum non fuisse. Jam verò obligatio venditoris non est nudi facti sed facti non nudi, nimicrum traditionis, utpote translativæ dominii, vel, si fiat à non domino, translativæ conditionis usucapiendi. Muller. Lauterb. LL. cit. Caltrop. loc. cit. num. 3. Wiestn. b. t. num. 32. citans Harprecht. in princ. Inst. b. t. num. 61. Hau-nold. de f. & f. 17. 10. num. 21. Quod etiam confirmatur ex eo, quod ista traditio invito venditore suppleri potest à Judice manu militari, hoc est, per ministros publicos Magistratus, rem afferendo venditori & transferendo in emptorem. Lauterb. loc. cit. juxta l. 18. ff. de rei vindic. Neque urgent leges passim allegari solite in contrarium; dum earum aliqua loquuntur de casu, in quo venditor rem ipsam tradere non potest, eò quod perierit, vel evicta sit ab alio; tunc enim praestando interesse liberatur, alia de obligationibus sub conditione pendentibus, in quibus venditori neque necessitas perficiendi neque solvendi interesse (intellige ante conditionis eventum) imponitur. Aliae de casu, ubi venditor est in mora damno emptori, qui tunc ad interesse vel rei traditionem agere potest; de quo vide Caltrop. cit. num. 3. Wiestn. cit. num. 32.

4. Resp. ad secundum tertio: Ut venditor rem venditam debito modo tradere & sua obligationi satisfacere censeatur, requiritur, ut rei possessionem vacuam (qualis dicitur, si à tertio non possideatur, non obstante huic vacuitati, quod à venditore possideatur, cum is possessionem abdicat hoc ipso, quod rem tradit,) in emptorem transferat. Lauterb. loc. cit. §. 10. juxta l. 2. §. 1. & l. 3. ff. & l. 8. C. de act. empti; & quidem vacuam, non tantum secundum quid, ita ut nullus alius rem civiliter possideat, sed absolute & simpliciter, ita ut nullus, eam facta traditione possideat, neque civiliter neque naturaliter, aut etiam eam sibi affectam detineat, intellige, cum superioritate in possessione. Lauterb. loc. cit. cum Franzk. ad tit. de act. empti. n. 82. juxta cit. l. 2. Unde jam etiam ab Alex. conf. 28. l. 2. Decio conf. 28. 1. col. 2. Ruino conf. 94. l. 1. Tiraquel. de jur. constituti, p. 1. n. 8. & seq. & alii, quos citat & sequitur Fachin. l. 2. controv. c. 31. apud Caltrop. loc. cit. num. 4. iis inharentem, merito rejicitur limitatio, quam aliqui adhibent responsioni primæ, nimicrum, quod venditor si le preario constituit nomine emptoris rem venditam possidere, non possit conveniri, ut

rem venditam tradat; cum per clausulam constituta jam eam tradidisse censeatur. Siquidem hac ratione possessio tradenda emptori non est simpliciter vacua, cum ei per clausulam constituta non concedatur possessio naturalis, & quod ad factum, quam vi perfectæ venditionis venditor emptori concedere tenetur, sed tantum civilis. Ad haec dicta traditio non sit realis, sed solum ficta, L. & habet. §. cum qui preario. ff. de preario; cùm tamen venditor obligatus sit ex contractu venditionis ad rem effectualiter & realiter tradendam, L. ex empto. ff. de act. empti. Caltrop. loc. cit.

Quæst. 294. An & qualiter res vendita tradenda libera?

1. Resp. primò in genere: Res vendita sicut tradenda est sana, seu nullo vicio laborans, sic etiam tradenda est libera ab oneribus ei inharentibus, ita, ut si ab initio contractus adfuerunt aliqua, & celata fuerunt, detur emptori actio redhibitoria restitutoria, sive quanti minoris, & etiam hodie actio ex empto, de quibus, tit. de adlit. edit. Struv. ad tit. de act. empti. thes. 119. Muller. ad eund. ibid. lit. u. Lauterb. tit. eod. §. 12.

2. Resp. secundò in specie: Sic res vendita tradenda est libera ab usufructu, (qui censetur pars dominii & rei venditæ, l. 4. ff. de usufructu,) quem alius in ea constitutum habet. Si enim hic evictus fuerit ab usufructuari, venditor tenetur de evictione emptori. Caltrop. tr. 33. d. 5. p. 28. §. 1. num. 7. idque, etiam si nihil de eo dictum, neque etiam dolus venditoris argui possit, l. 66. ff. de contrab. empti. l. 49. ff. de evict. Brunnem. ibid. Gomez. Tom. 2. var. c. 2. num. 45. Lauterb. loc. cit. Muller. loc. cit. lit. e. Item libera à servitutibus aliis, & in specie à servitute prædiali urbana vel rustica; ita ut, si venditor servituti subjectam sciverit, multoque magis, si liberam vel optimam dixerit, eà evicta, teneatur de evictione ad interesse aliaque damna inde secuta, l. penult. ff. de evict. l. 35. ff. de act. empti. Caltrop. l. c. n. 8. Gomez. Lauterb. Muller. LL. cit. Burgund. de evict. c. 46. num. 6. Idque etiam, si ignorans eam esse subjectam servituti, dixit esse liberam; cum non debet dicere liberam, quam ignorabat esse liberam. Muller. Lauterb. LL. cit. citantes Burgund. loc. cit. n. 8. Barbos. ad l. 9. C. de act. empti. n. 6. Si tamen ignorans subjectam servituti liberam non dixit, neque etiam se vendere ut optimum maximum, sed simpliciter vendidit, non teneri illum de evictione alerunt Muller. & Lauterb. LL. cit. quamvis Caltrop. loc. cit. dicat, in hoc casu, dum venditor ignorans vendidit rem tanquam liberam (intellige, exercitè, signanter de hoc nihil dicendo,) non teneri quidem illum de evictione, ad interesse aliaque damna inde secuta; teneri tamen emptori, quanti minus rem illam emissem, si servitute caruillet. Quod ipsum tamen postmodum lit. z. dicit Muller. etiam non addendo rō tanquam liberam. Quod si vero scivit rem gravatam, & non monuit de hoc emptorem (intellige, specialiter, ita ut certioratio generalis & obscura non sufficiat, ut Lauterb. loc. cit.) propter dolum teneri illum ad interesse per l. 13. & 39. de act. empti; nisi forte emptor cognitionem servitutis habuerit, aut facile habere potuisse, (qui in eo casu eo nomine regressum habet ad venditorem, l. 1. §. 1. ff. de act. empti.) affrunt citatis alii. Muller. Lauterb. LL. cit. Quod si etiam venditor sciens servitutes, quæ fundo vendito debentur, & illas emptori non indica-

dicaverit, ita ut hæ postmodum propter ignoranciam emptoris non utens illis iusto tempore elapsò præscribantur, tenetur propter dolum emptori ex empto, l. 66. §. 1. ff. de contrab. empti. Muller. loc. cit. lit. t. quem vide.

3. Resp. tertio: Venditor debet præstare seu tradere rem liberam ab onere pignoris, cui si res vendita à venditore, id tacente est obnoxia, venditio quidem non rescinditur, l. 3. C. de evit. Muller. l. c. lit. u. Lauterb. §. 17. citantes Carpz. p. 2. const. 34. defens. 21. Gratian. decis. 54. n. 30. Competunt tamen plura juris remedia emptori contra venditorem. Nam si res oppignorata vendita quidem, sed nondum tradita, competit emptori actio ex empto, ut venditor liberet eam à nexus pignoris, & tunc tradat. Muller. loc. cit. Brunnem. ad l. 3. C. de evit. vel si emptor ipse eam liberavit, potest emptor agere ad traditionem rei & simul ad restitutionem illius, quod in liberationem expendit. Lauterb. loc. cit. vel etiam ut exceptione compensationis, ut Muller. Item si venditor petat pretium, potest eum repellere exceptione dolii. Muller. loc. cit. juxta cit. l. 5. Si vero venditor ignorans post traditionem rei oppignorata affirmet rem esse liberam, tenetur ad interesse, etiam antequam ea evicta, l. 113. §. fin. de V.O. l. 41. ff. de contrab. empti. juncta l. penult. ff. de evit. Muller. Lauterb. LL. cit. Si vero id non dixerit, sed rem simpliciter vendiderit, expetare debet, usque dum res evincatur, l. 3. C. de evit. quamvis interea quoque ex aequo & bono agere posse videatur, ut venditor rem haberet; iidem citantes, l. 52. ff. de act. empti. & Carpz. ubi ante. Ac denique si venditor sciens rem oppignoratam vendiderit emptori ignorantis, tenetur ad omne interest. l. 6. ff. de act. empti.

4. Resp. quartò: Tenetur venditor tradere rem liberam à penitiationibus, qua lege non communi & publica omnibus similibus rebus sunt impositæ, l. 41. ff. de act. empti. Lauterb. loc. cit. §. 15. Muller. loc. cit. lit. 8. cum communi. Et si re gravata simili penitiatione, venditor dixit esse liberam, sive sciverit, sive ignoraverit gravatam, tenetur emptori ex empto ad interesse, sive (in quo regulariter interesse constitit,) ad id, quanti minoris emptor emisset præmium, si taliter gravatum scivisset, l. penult. de evit. l. 9. C. de act. empti. & ibi Brunnem. Burgund. de evit. c. 46. n. 14. Lauterb. §. 16. Muller. loc. cit. Idem est, si venditor indicavit quidem præmium penitiatione gravatum, sciens tamen celavit quantitatem penitiationis. Brunnem. Muller. LL. cit. Si vero venditor sciens rem gravatam, non dixit liberam à penitiatione, non tamem emptorem de hoc gravamine monuit; tenetur propter dolum ad interesse emptori. Arg. l. 13. & l. 21. ff. de act. empti. & ibi Castrensi. & Faber in rationali. Lauterb. loc. cit. poterit etiam emptor, si alia quoque ratione quam quanti minoris ejus intersit, illud petere propter dolum. Lauterb. juxta cit. l. 13. quin & emptori, qui nunquam emisset præmium taliter gravatum, non denegandam redhibitoriam, dum forte non poterat placere ei aut expedire tale præmium tributarium possidere, affterit. loc. cit. Muller. remittens ad Molin de J. & J. tr. 2. d. 353. num. 4. Et hæc, etiam si venditor nominatim excepterit se nolle teneri de penitiatione. Quod si vero venditor non scivit gravamen, nec dixit rem esse liberam, non tenetur quidem ad interesse vi l. 21. §. 6. & l. 39. ff. de act. empti; ex aequo tamen & bono

(cum præmium ex tali onere vilius censeatur,) condemnandus quanti minoris emptor empturus fuisset, si unus scivillet, l. 41. ff. l. 9. C. de act. empti. Faber ad l. 21. eod. Lauterb. Muller. LL. cit. Verumtamen hæc locum habuit, ubi emptor ignoravit dictum gravamen; si enim scivit illud, eo nomine regresum nullum habet contra venditorem. Arg. l. 1. §. 1. ff. & l. 9. C. de act. empti; cessat enim tunc dolus, nec opus certioratione, ubi jam est scientia; juxta c. scienti. de reg. Jur. in 6. & l. 1. ff. de act. empti.

5. Dixi: a penitiationibus non communi & publica lege impositis: nam ab usitatis & consuetis tributis, censibus & collectis publica & communia lege similibus rebus impositis rem liberam præstare non tenetur venditor, & licet de his nihil dixerit, omnia ea cum re in emptorem transirent, l. 7. ff. de public. & veitigal. & absque eo, quod eorum nomine ab emptore venditor conveniri possit. Arg. l. 1. §. 1. ff. de act. empti. Lauterb. loc. cit. § 15. cum Carpzov. p. 2. const. 34. defens. 20. Idque etiam si venditor dixisset fundum ab omnibus oneribus, quomodounque nominarentur, liberum esse; cum hæc adjectio non comprehendat onera istiusmodi ultata. Muller. loc. cit. lit. 8. Lauterb. cit. § 15. citantes Caballin. tr. de evit. §. 5. num. 77. Carpz. l. 4. resp. 79. Quinimo non liberabitur emptor à præstandis dictis oneribus, etiam si venditor expresso pacto in se receperit tributa illa, census, collectas, &c. præstare, l. 2. & 3. C. sine cens. & reliq. fund. l. 41. ff. de pactis. Lauterb. Muller. LL. cit. & emptor nondum esset annotatus in astimo, vel nomen ejus in contractum relatum. Iidem juxta cit. l. 2. & 3. & Barbos. ibid. quamvis addant, Festal. tr. de astim. & collect. p. 2. c. 4. à n 21. & alios quosdam sentire, posse etiam venditorem in hoc casu ex quasi contractu conveniri. Sed neque venditor hoc casu obligatur ad restituendum emptori id, quod is tributi apud se cedentis nomine solvit. Muller. Lauterb. citantes alios. Si tamen tributa præterita aliqua onera, quorum dies cessit ante venditionem emptor solvit, (ut de jure tenetur ut Lauterb. loc. cit.) illa, si in se non recepit, à venditore repetit; iidem citantes, l. 7. ff. de publ. & veitig. & Brunnem. ad cit. l. 2. num. 3. Et hæc quidem de tributis, collectis & oneribus rei jam impositis ante venditionem; quæ à fortiore probare videntur, propter onera post venditionem imposta rei venditæ nullam competere emptori actionem adversus venditorem. Arg. l. 11. ff. de evit. & ita tenent Muller. l. c. Lauterb. §. 16. citato Carpz. ubi supra. n. 19.

Quæst. 295. An necesse sit rem venditam ita tradi, ut traditione dominium transferatur in emptorem?

R Esp. Necesse est ita rem venditam tradi, ut traditione transferatur in emptorem dominium, sive illud sit verum, sive fictum & quasi dominium. Semper enim inter ementes & vendentes id agitur & intenditur, ut dominium transferatur, l. 80. §. fin. ff. de act. empti; ita ut, si venditor sit dominus rei venditæ, transferatur verum dominium, si vero non sit dominus, transfertur dominium fictum seu quasi dominium, quod & presumptum dicitur. Siquidem & talis venditor non dominus traditione id præstat, præstare obligatur, ut emptori rem venditam habere licet, hoc est, jure & titulo emptionis retineat, perinde ac

ac si esset dominus, l. 3. §. 1. l. 25. §. 1. ff. de contrab. empt. l. 1. ff. de rer. permitt. l. 21. §. 2. ff. de evict. & l. 88. ff. de V. 8. Struv. in ff. de act. empti. th. 107. evadatque possessor bona fidei, qui dicitur habere dominum fictum seu quasi dominium, cuius effectus est, ut si nemo se dominum rei venditae profiteatur, remque vendicet, res usucapiatur & praescribatur, ac ita modo civili dominium (intellige etiam verum) possessori acquiratur. Muller. ad Struv. l. c. Atque ita ob commerciorum utilitatem, & ad difficultem periculosamque venditoris questionem de dominio evitandam jure introducunt, ut hodie ex natura hujus contractus venditor tantum obligetur ad tradendum vel verum dominium, si sit dominus, vel, si non sit dominus, ad praestandam saltem evictionem. Muller. loc. cit. lit. e. citatis Brunnen. ad l. 28. ff. de contrab. empt. Mantic. de tacit. & ambig. contract. l. 3. c. 5. num. ult. Mangil. de evict. quast. 1. num. 2. &c. dicta namque obligatione ad evictionem praestandum quasi suppletur ille defectus non translati dominii veri. Struv. l. c. uti & translata in emptorem illa conditio usucandi pro translato dominio habeatur, l. 52. ff. de V. O. Struv. loc. cit. De cetero tametsi regulariter ad venditionis integralem perfectionem & consummationem requiratur traditio, eaque necessaria ad transferendum dominium; cum non nudis actionibus & titulis, sed traditionibus dominia rerum transferantur, L. traditionibus. C. de part. L. nunquam. ff. de acquir. rer. domin. dantur tamen casus, in quibus dominium rei venditae transfeat in emptorem sine traditione. Sic primò, dum res vendita Ecclesie, monasterio alterius loco religioso vel sacro, vel civitati; siquidem talia loca munita sunt speciali privilegio, vi cuius ipsis simplice venditione, donatione, legato dominum queritur ante traditionem, l. fin. C. de SS. Eccles. Covar. l. 3. var. c. 9. n. 2. Molin. tr. 2. de J. & d. 337. n. 7. de Lugo, d. 26. f. 11. n. 168. Wiefn. b. t. n. 26. Secundò, cum empori rem jam tenenti titulo commodati, depositi &c. dominus vendit, & apud eum tanquam jam dominum manere permittit; cum paria sint tradere, & rem, cui jam antea quis incumbit, pro tradita habere, L. qua ratione. §. 5. ff. de acquir. rer. domin. & §. interdum. Inst. de rer. divis. & res fictione juris manus brevi ex commodato & deposito reddit, postea ex venditione iterum tradita intelligatur. Wiefn. l. c. citato Manz. in cit. §. interdum. n. 4. Tertiò, dum qui vendidit merces, frumentum, vinum conclusa, claves tabernæ, horre, cellæ, in quibus conclusa, tradit empori, dominium illorum absque alia traditione in eum transfert, §. item si quis. Inst. de rer. divis.

Quæst. 296. An & qualiter venditor obligetur rem venditam tradere cum fructibus?

R Esp. primo: Fructus rei venditæ naturales ante venditionem illius perceptos, (quales sunt, v. gr. fruges jam demissæ, etiū nondum in horrea conditæ, quo etiam spectant fructus animalium editi, licet adhuc lactentur, & matrem sequantur,) venditor una cum re tradere non tenetur, sed manent venditoris, l. 2. C. de act. empti. Lauterb. cod. §. 18. Struv. ad ff. de peric. & commod. th. 103. cum communi. Cum quidquid in specie venditura non est, nec rei venditæ pars aut accessio, id empori non debetur. Fructus vero naturales tempore venditionis contractæ adhuc pendentes, & rei vendita cohaerentes empori debentur, l. 13. & 16. C. de act. empti. l. 38. §. 8. ff. de usfr. §. 3. Inst. b. t. Man-

R. P. Leur. Jur. Can. Lib. III.

tic. l. c. tit. 16. n. 42. Covar. l. 1. var. c. 15. n. 2. Less. l. 2. c. 21. n. 100. Molin. l. c. d. 368. n. 13. de Lugo, d. 26. n. 209. Castrop. tr. 33. d. 5. p. 25. n. 2. Rebell. ad obl. Inst. l. 9. q. 17. concl. 1. Laym. l. 3. summ. tr. 4. c. 17. §. 2. n. 7. Lauterb. l. c. §. 19. Idque etiamsi sint maturi & mox percipiendi. Lauterb. l. c. citatis Gratian. decis. 176. n. 2. Thesau. decis. 55. n. 2. aliquis jam cit. AA. Siquidem fructus pendentes pars fundi videntur, l. 44. ff. de rer. divis. & consequenter uno indivisibili pretio venduntur. Quod si tamen venditor perfecta venditione aliquas expensas in colligendis, custodiendis conservandisque dictis fructibus bona fide fecisset, eas refundere debet empor juxta l. 16. ff. de act. empti. De cetero procedit responsio, etiū pretium nondum solutum, nec cautio fidejussoria vel pignoratitia praefixa ab empori, nec venditor fidem ejus secutus. Castrop. Covar. Rebell. Molin. LL. cit. contra Angel. Sylv. Secus tamen seu fructus pendentes non spectarent ad empori, si aliud actum & voluntum fuisset à venditore videatur seu colligatur ex eo. V. g. quod is tempore contractus parasset se ad collectionem & perceptionem, manuque apposuit empori sciente, nec ex pretii quantitate vel aliunde de contraria contrahentium mente constet, ut cum Thesau. l. c. n. 6. Trentac. b. t. refol. 6. n. 13. Muller. l. c. lit. d. Lauterb. loc. cit. Idem dicendum de fructibus naturalibus pendentibus, quorum pars, re non vendita, ad colonum partiarium pertineret, venditore hoc ipsum sciente. Mantic. l. c. n. 45. Trentac. l. c. Lauterb. loc. cit. §. 20. Muller. l. c. lit. e. eò quod colonus ille nullum jus habeat in fructibus pendentibus, sed illos colligendo seu percipiendo denum suos faciat, l. 61. §. 8. ff. de furt. l. 60. §. 1. ff. locati. §. 36. Inst. de rer. divis. Lauterb. l. c. qui tamen remittit ad Barbos. ad l. 16. C. de act. empti. n. 8. & Trentac. n. 5. Item idem dicendum, etiamsi venditor ante rei venditæ traditionem fructus illos perceperisset, & ab empori necdum solutum pretium esset; quia contractu perfecto (intellige substantialiter, qualis est ante solutionem pretii,) omnia commoda spectant ad empori, & excipiuntur solùm fructus percepti à venditore ante venditionem perfectam. Muller. l. c. Lauterb. l. c. citatis variis LL. Item idem dicendum de fructibus post contractum natu apud venditorem, nimurum pertinere eos ad empori, et. am dum pretium necdum solutum, nec cautio praefixa, nec dilatio ad solvendum expresse concessa. Arg. §. 3. Inst. b. t. l. 13. C. de act. empti; docent cum communione Theologorum. Sylv. v. usura 2. qu. 11. Rosell. v. eod. n. 47. Less. loc. cit. n. 109. Laym. l. c. n. 18. Castrop. l. c. p. 26. n. 4. Haunold. tr. 10. n. 65. Wiefn. b. t. n. 39. Reiffenst. n. 232. & ex legislis Harprecht. in §. 3. Inst. b. t. n. 32. Lauterb. l. c. §. 21. dicens esse sententiam omnium & de jure verissimam; contra Covar. l. c. Molin. l. c. n. 8. Rebell. l. c. quast. 16. à n. 5. Mynsing. cent. 4. obs. 56. &c. Ratio potissima est, quam jus ipsum assignat, nimurum cit. §. 3. Inst. quod dictante aequitate naturali, illius debeat esse commodum, cuius est periculum & incommodum. Fundamenta oppositæ sententiae sat diluta vide apud Castrop. cit. p. 26. & Reiffenst. b. t. à n. 236. De cetero extenditur prior sententia, etiamsi venditor non fuisset in mora culpabilis, ut Lauterb. citatis Barb. in l. 2. C. de act. empti. Mantic. l. c. n. 49. Quin & teneri venditorem etiam ad fructus percipiendos. Arg. l. 21. §. 3. ff. de act. empti. tradit Lauterb. l. c. cum Molin. l. c. n. 10. & Franzk. &c. atque ita fructus omnes cum re tradere tenetur venditor.

Aa

2. Resp.

2. Resp. secundò: Fructus civiles, v.g. pensiones ex locatione rei venditæ ante venditionem contracta, sed post illam finita sunt vendoris, in quantum fructus, pro quibus pensiones debentur, ante venditionem percepti. Emptoris vero, in quantum post venditionem percepti à conductore. Merces enim pro locatione solvenda subrogatur fructibus; adeoque sicut fructus percepti ante venditionem sunt vendoris, & post illam percepti emptoris, ita etiam merces & pensio correspondens quantitatib[us] fructuumante venditionem à conductore perceptorum est vendoris, ut correspondens quantitatib[us] fructuum perceptorum post venditionem est emptoris, adeoque ei tradenda cum re seu p[re]ter rem. Mantic. l.c. n. 44. Barbos. in l. 16. C. de act. empli. n. 5. Franzk. cod. à n. 221. Molin. d. 368. n. 4. & alii, quos citat & sequitur Lauterb. §. 22. item Muller. ad Struv. tit. de peric. & commod. rei vend. th. 103. lit. n. Sic itaque vineæ locatæ venditæ ante vindemiam tota merces locationis emptoris est, venditæ verò post vindemiam merces vendori relinquenda, etiamsi post venditionem prius locatio finita, & dies solutionis advenerit; hic enim non tempus solutionis, sed collectionis fructuum considerandum. Lauterb. §. 28. Muller. l.c. lit. n. Sic adibus locatis venditis, cùm illarum fructus quotidie percipiuntur, merces pro rata temporis inter emptorem & vendorum dividenda, & usque ad tempus venditionis vendori, reliqui temporis emptori assignanda. Arg. l. 26. ff. de usq[ue]fr. Peregr. rr. de iure fisci. l. 6. l. 4. n. 34. Costol. in l. 13. §. fructibus. ff. de act. empli. Lauterb. §. 24. Muller. loc. cit. lit. 6. Idque, etiamsi merces tota soluta fuissent vendori ante venditionem. Mantic. Barbos. Lauterb. L.L. cit. Ubi verò vendor rem venditam locasset post venditionem, merces tota concedenda emptori, l. 13. §. 13. ff. de act. empli. Plura de his infra, ubi de commido rei vendite.

Quæst. 297. An & qualiter vendor p[re]ter fructus cum re vendita tradere teneatur etiam illius accessiones seu pertinentias?

R Esp. primò in genere: Actiones & pertinentia (quo nomine in genere veniunt res, quæ extrinsecus rei venditæ adveniunt seu ad eam pertinent, ejusque quasi partem constituunt, ad perpetuum ejus usum destinata & in ea collocata), quæ tempore contractus adfuerunt, emptori debentur, eique una cum re empta extradenda, l. 17. §. 7. ff. de act. empli. l. 242. §. fin. ff. de V.S. Mantic. l.c. l. 4. tit. 15. n. 11. Lauterb. l.c. §. 25. etiam, dum earum rerum mentio nulla facta est. Idem cum Carpz. p. 2. const. 33. defens. 20. n. 6. Idque, si rei venditæ firmiter conjuncta, ut difficulter amoveri possint, cohærent, siue separata in ea existant, vel facilè tolli possint, & interdum etiam soleant, cit. l. 242. & l. 17. ff. de act. empli. Thesau. l. 1. quæst. 84. n. 1. Surd. decis. 134. à n. 13. Berlich. p. 2. concl. 30. n. 22. Carpz. l.c. const. 24. defens. 10. n. 4. Lauterb. §. 26. istiusmodi enim pertinentias non facit cohærentia, sed vel lex vel consuetudo, & vel maximè voluntas & destinatio patrisfamilias seu domini perpetui usus gratiæ, cit. l. 17. & l. 60. ff. de V.S. Lauterb. l.c. citatis Gail. l. 2. obs. 62. n. 4. Barbos. &c. modo dicta voluntas & destinatio deducita sit in actum, cit. l. 17. Lauterb. cum Berlich. &c. Unde tormenta bellicia empta ad usum perpetuum fortalitii, sed nondum eo translata, pali vineæ causæ comparati, sed nondum ibi collocati, tegulae domus regendæ gratiæ allatae, necdum tamen impolita recto, inter pertinentias fortalitii, vineæ, domus non numerantur, l. 17. & 18. ff. de act. empli. Lauterb. l.c. si tamen destinatione semel in actum deducta derrahantur seu removeantur similia ea intentione, ut iterum ibi reponantur, sunt & remanent pertinentiae, cit. LL. 17. & 18. l. 242. §. fin. ff. de V.S. Mant. l.c. n. 4. Lauterb. cu. §. 26. in fine. ubi etiam, quod dicta destinatio interdum præsumatur deducta in actum ex insertione, inclusione, infossione, affixione juxta cit. LL. 17. & 18.

2. Resp. secundò in specie: Venditis adibus debentur emptori claves, seræ, claustra, item specularia seu fenestræ vitreae & similia, de quibus in cit. LL. & pluribus aliis quas pro hoc citat Lauterb. §. 27. & Mantic. cit. tit. 15. per totum. Item horum, qui ab antiquo ad ædes pertinuit, & earum causa, ut amoeniores & salubriores essent, comparatus, ut sic pro domis additamente habeatur. Mantic. l.c. n. 36. Berlich. p. 2. decis. 191. Lauterb. l.c. Sic vendito diversorio, pro ejus accessoriis haberi lectos perpetui usus gratiæ ibi existentes, cum Besold. Berlich. & aliis assertit Lauterb. l.c. §. 27. in fine. Sic vendito castro, cui territorium, jus patrimonatus, merum imperium, jurisdictio ex privilegio vel consuetudine adhærent, hac jura tanquam pertinentiae vendita censemuntur, & cum Castro in emptorem transferuntur. Mantic. l.c. tit. 14. Franzk. ad tit. de act. empli. à n. 223. Menoch. l. 3. presumt. 97. à n. 43. Lauterb. §. 28. qui tamen cum Mantic. cit. tit. 14. n. 11. & tit. 16. n. 29. addit secus esse, si dominus castrum tantum ædes aliquas particulares aut fundum ad castrum pertinentia venderet, eriam dicendo: cum omnibus pertinentiis; eo quod jus territorii, jurisdictio & similia jura, non rebus particularibus ad castrum spectantibus, sed castro, quatenus consideratur ut universitas, adhærent, ut Gail. l. 2. obs. 62. n. 6. Besold. vol. 5. conf. 212. De cetero his non obstante, quod jurisdictio publici juris sit, & per se separatum quid subsistens per se, non cadens in commercium. Quippe ex Mevio p. 2. decis. 314. n. 1. ait Lauterb. l.c. distinguendum esse quod ad hoc inter jurisdictiōnem personalem & prædiālem. Quin & consuetudine & moribus invallis, ut jurisdictio, quia hodie patrimonialis & propria, ad hæredes transitoria, fructus ei, cui competit, ferens estimationem recipiat & sit in commercio. Vide de hoc pluribus Lauterb. Sic vendito fundo tanquam ejus pertinentia debentur emptori, & in eum transeunt servitutes, l. 12. ff. canonem præd. quas vendor indicare debet juxta dicta supra, ne non utendo amittantur. Lauterb. §. 30. Item debentur illi servi adscripti spectantes ad fundum. Arg. l. 7. C. de agric. & censit. Lauterb. §. 29. Item sterculinum agri stercorandi gratiæ comparatum; idque, siue in stabulo jaceat, siue sit acervus, l. 17. ff. de act. empli. Lauterb. l.c. cum Carpzov. p. 2. const. 33. defens. 19. Mantic. cit. tit. 16. n. 4. Sic stagno vel vivario vendito pisces, qui in eo habentur propagationis gratiæ, tanquam pars illius censerit, ex Bocero; qui verò in eum finem ibi aluntur, ut crescant, fructuum nomine & jure ad emptorem pertinere ex Guidon. Papa. Mantic. & alii dicunt Lauterb. §. 31. eos verò, qui tantum ibi custodia causâ detinentur, citra speciale pactum non deberi emptori, juxta l. 15. ff. de act. empli; dicit idem. Ut & ex eadem Leg. colligi à Roland. à Valle apud Brunem ad cit. l. in fine; boves aratores non esse quid annexum fundo.

3. Resp.

3. Resp. tertio: Res reliquæ, quæ in ædibus vel fundo vendito, non tanquam partes & perpetui usus gratiâ, sed tanquam ornatus, vel custodiæ cauſa, vel ob aliam causam temporalem reperiuntur, non debentur emptori, l. 17. §. 7. ff. de act. empti. l. 245. ff. de V. S. talia sunt pulli & cætera animalia, l. 16. ff. de act. empti. Ruta, hoc est, eruta ex terra, ut arena, lapides, creta. Cæsa, hoc est; scissa & separata à terra, ut arbores cæsa, ligna, cit. l. 17. pecunia in re vendita abscondita, l. 7. ff. de R. V. De theſauro invento in re vendita post venditionem dictum est supra, & controvertunt AA. esse emptoris, reliqua domino fundi portione aliqua, defendunt aliqui cum Brunneim. ad cit. l. 17. in fine. De jure contrarium, nempe per totum theſaurum, (utpote qui non venit è re vendita, seu nec est fructus ejus naturalis aut civilis, nec pars illius, sed est donum fortuna & beneficium Dei,) manere venditori, qui ante traditionem manet dominus fundi, tanquam verius videri aſtruiunt Muller. ad Struv. ff. de peric. & commod. th. 103. lit. e. & Lauterb. §. 37. citatis aliis. Secus est de theſauro invento in re vendita post traditionem; hic enim totus emptoris est, neque cum venditore dividendus, etiam dum in venditione laſio accidisset, quin &, dum vendito celebrata ſub paſto retrovenditionis, ita ut emptor, redempto poſtea fundo, ad reſtitutionem theſauri non teneatur. Muller. loc. cit. Item talia ſunt vafa vinaria, torcularia, niſi conſer illa perpetui uſus gratiâ esse parata, & ad fundum venditum deſtinata, cit. l. 17. Item ſtatua, pictura, candilabra, licet parietibus ædium, ne tam facile à furibus auſſerantur, aut corrueſt dampnum accipient, ſint religata catenis, aut clavis affixa, cit. l. 17. niſi tamen, ut hodieum ferè fit, in venditione dictum, ut omne fixum cedat emptori. Lauterb. §. 32. cum Franzk. ad tit. de act. empt. n. 209. & Carpz. conf. 33. defens. 10. vel niſi dictæ res ita ſint infixa, ut partes ædium videantur, nec facilē ſalvæ & integræ ſeparari & removeri poſſint; cùm ex hujsmodi coniunctione colligatur patrem-familias voluisse, ut ibi perpetuo maneant. Arg. cit. l. 17. §. 3. Quod attinet instrumenta authentica ad rem venditam pertinentia, venditorem quidem tanquam ipsius arma emptori ostendere eorumque exemplar ſeu copiam communicare, ſed non aliter tradere teneri, quām ſi neque ratione eviſionis, neque aliam iuſtam cauſam ea retinendi habeat juxta l. 48. & 52. ff. de act. empti; cauſionem tamen praefare debere, quod ea exigente neceſſitate extradere velit juxta, l. 4. §. 3. ff. famili. ericſcund. & l. 29. C. de fideicommiss. &c. aſtruit Lauterb. §. 34. cum Franzk. l. c. n. 218. Carpz. l. c. defens. 18. & aliis. De cætero, dum inter emptorem & venditorem eſt conroversia, utrum res ſpectet ad pertinentias, regulariter in dubio aſſerenti incumbit probatio, ut cum Klock. Tom. 3. conf. 157. à n. 44. Lauterb. §. 33. Quod verò venditor rei venditam accessorium dixit, illud emptori integrum & ſalvum præſtare debet, l. 6. §. 4. l. 11. §. 17. l. 26. ff. de act. empt. Franzk. loc. cit. n. 150. & seq. Lauterb. §. 37.

Quæſt. 298. Cui teneatur venditor rei venditam tradere, dum eam ſuccesſivè vendidit duobus?

1. **R**esp. primò: Dum neutri eorum adhuc tradita eſt res vendita, & in neutrū adhuc translatum dominium, obligatur venditor ad tradendam illam illi, cui primo vendita, eſt commun.

R. P. Leur. Jut. Can. Lib. III.

Respond. A tempore perfecti contractus ad traditionem uſque talem rei vendita custodiā adhibere teneatur venditor, qualem bonus, diligens & frugi paterfamilias rebus suis adhibere ſoleat, eti illam diſerte in ſe non receperit, l. 35. §. 4. ff. de contrah. empt. l. 1. §. 2. ff. de peric.

A 2 2

peric.

peric. & *commod.* *rei vend.* Struv. ad ff. de act. empti. tb. 111. Muller. ibid. lit. e. Ino ad omnem diligentiam, intellige, quod ad excludendos omnes gradus culpæ levis, l. 18. §. 9. l. 38. de damn. infel. Muller. loc. cit. thef. 112. citans Thabor. *de culp.* thef. 19. Præstare siquidem debet omnem culpam, non tantum latam, sed & levem, in ejus custodia admissam, dum res exinde perire aut deteriorata fuit, l. 13. ff. de reg. Jur. §. 3. Instit. b. t. cit. l. 35. l. 3. & 30. ff. de act. empti; non tamen ad levissimam, utpote qua in contrahibitibus, qui in utriusque contrahentis gratiam celebrantur, non præstatatur, l. 1. §. 1. de peric. & commod. Struv. loc. cit. lit. e. Muller. ibid. non obstante quod ad hoc postremum, l. 2. §. 1. de act. empti; utpote qua loquitur de casu speciali, nempe de custodia, qua rei ad mensuram venditæ ad diem usque admerendi adhibenda à venditore exactissima, ita ut eum à præstatione ejus, quod interest excusat solum fatale damnum, cit. l. 2. & 3. de peric. & commod. *rei vend.* Struv. l. c. lit. e. quemadmodum etiam, ubi vendor fuit in mora tradendi, tenetur ad omnem culpam & periculum præstandum; secus, si empator fuit in mora accipendi; tunc enim solum dolum ab ipso tempore moræ præstare tenet vendor, l. 5. & 17. de peric. & commod. Struv. l. c. lit. e. Verum hæc de culpa admissa sine dolo; siquidem dolum omnem circa venditionem & rem venditam commissum præstare debet vendor, l. 68. §. fin. ff. de act. empti. quamplurimos, in quibus hic dolus committitur, casus vide apud Muller. cit. tb. 111.

Quæst. 300. Quid sit evictio, & qualiter venditor tenetur emptori de præstanda evictione?

1. Resp. ad primum: Evictio est rei propria, quam alius justo titulo acquistam habet, apud & per Judicem recuperatio. Wesenbec. in parat. ff. de evict. n. 1. Pirk. b. t. num. 42. contingit siquidem saepe, ut res alienæ vendantur permutentur, donentur inscio & invito domino, cui ut debito remedio succurreretur, jura concesserunt, ut rem suam neccum præscriptam ubique & penes quemcumque ea exstiterit, autoritate Judicis recuperare posset per actionem competentem demonstrando rem esse suam, adeoque, ut ea sibi restituatur, debite instando. Ut etiam, ne dum is, qui justo titulo rem illam possidebat, ea per evictionem privat, innocenter damnum pati cogatur, jura eadem concesserunt, ut ex empto agere possit contra eum, qui rem alienam vendidit, permutavit, &c. agendoque illum adgere, ut non tantum pretium, quo res tempore hujus evictionis æstimabitur, restituat, sed & ad interesse, nempe quanti ejus intererat rem evictam non esse, præstandum. Ad quorum utrumque dum obligatur vendor, dicitur obligari de evictione. De Lugo, cit. d. 26. f. 10. num. 154.

2. Resp. ad secundum: Ubi res vendita evicta est, sive tota, sive tantum ejus pars. V. g. ususfructus vel alia servitus in ea constituta, vendor, sive rem alienam aut alteri obligatam scivit, sive ignoravit, (ignorantia siquidem eum non excusat, cum qui rem vendit, cuius ea conditionis sit, scire tenetur & præsumatur. Arg. L. quisquis. C. de rescind. vendit.) tenetur emptori de evictione rei aut partis illius quod ad pretium (intellige totum, si res tota evicta, quod ad partem, si quod ad partem tan-

tum evicta,) & interesse damnaque inde secura emptori, si scivit esse alienam; quod ad pretium tantum, & quanto minoris res illa valet, qua servitute est gravata, si ignoraverit rem esse alienam aut gravatam; nisi forte signanter dixerit non esse alienam aut gravatam. Et hæc, etiamsi expresse nihil conventum de evictione, l. fin. de condit. caus. dat. caus. non secuta, l. 1. & 70. ff. de evict. l. 6. & 25. G. cod. l. 43. ff. de act. empti. Pirk. b. t. n. 42. Wiestn. n. 79. & 80. Reiffenst. b. t. n. 372. & seq. Muller. ad Struv. in ff. tit. de pastis. lit. b. cum communi. Siquidem illa præstatio evictionis provenit, & est de natura emptionis, & quidem interna, ut Muller. loc. cit. cum Mozz. de contract. a. 6. n. 1. Caballin. de evict. §. 5. à n. 25. Marant. in specul. aur. p. 2. n. 4. contra Zafium l. 1. sing. resp. c. 12. in fine. Coras. l. 3. miscell. c. 10. n. 4. & alios referentes evictionem simpliciter ad naturalia externa emptionis. Cum in omni venditione regulariter id tacite actum intelligatur, ut pretium acceptum re evicta restituatur emptori. Unde patet etiam expressum, cum quo vendor bona fide credens rem esse suam, illam vendit; nimur quod ratione forsan futurae ad nihil obligetur, tanquam contrarium dictæ naturali venditionis, reprobatur; quia contractus bona fidei hanc conditionem non patitur, ut empator rem amittat, & vendor pretium retineat. Adeoque eo pacto non obstante, vendor re evicta liberabitur quidem ab interesse solvendo, non verò à pretio restituendo juxta expressum textum, l. 11. §. 18. ff. de act. empti. de Lugo, loc. cit. f. 10. n. 160. Muller. loc. cit. remittens ad Caballin. ubi ante. Reiffenst. b. t. n. 387. Nisi tamen expresse sic convenienter, quod nec ad pretium reddendum teneatur vendor in casu evictionis; tunc enim huic pacto standum, utpote vicus empator in se liberè suscepit periculum non secus ac in emptione jactus retis, si nihil capiatur, empator amittit pretium, pro ut habentur cit. l. 11. in fine. Lugo loc. cit. Reiffenst. loc. cit. idem dicens, nimur liberum fore venditorem re evicta à restitutione pretii & interesse juxta l. 13. ff. de hered. & act. vend. dicendo (intellige bona fide), si quod jus est mihi in te, tibi vendo. Nunquam autem ad duplam restitutionem pretii tenetur vendor, nisi se expreso pacto ad hoc obligaverit. Arg. L. emptori. ff. de evict. Castrop. tr. 33. d. 5. p. 28. §. 5. num. 1. Quam restitutionem duplam si empator intentaverit, non potest agere ad interesse & damna ex evictione secuta, L. emporem. §. Cassius. ff. de act. empti; & è contra, ubi agit, ut sibi sumptus impeni in rem evictam refundantur à venditore, non potest agere ad duplum. Castrop. loc. cit. Plures casus, in quibus vendor non tenetur de evictione vide paulo post. Porro obligatio ista de evictione non solum est pro foro externo, sed etiam pro foro interno conscientia. De Lugo loc. cit. num. 158.

3. Dixi autem: *re evicta*: qualis ut ea censeatur, in ordine ut empator ratione illius contra venditorem agere possit, aut etiam vendor ratione illius obligetur, non sufficit, quod emptori constet rem venditam alienam, aut ususfructu aliavè servitute gravatam esse, aut etiam, quod super ea ei lis mota, vel per sententiam ad restitutionem condemnatus sit; sed requiritur insuper, ut sententia illa transierit in rem judicatam, & rei emptæ possessione in alium translatâ mandata sit executioni L. habere. ff. & L. qui rem. C. de evict. Castrop. loc. cit. f. 28. §. 2. num. 1. Wiestn. b. t. num. 81. cum

cum communi. Quia quousque hæc sententia ejusque executio accedat, emptor rem possider, adeoque de ablata possessione queri non potest. Castrop. loc. cit. & cùm evincere plus sit quām vincere, nimirum etiam rem invito auferre, ante actualem ablationem evicta dici nequit, ut cum Perez in Cod. de evict. num. 19. & Brunem. in l. in rem. num. 5. Wiestn. Nihilominus ubi emptor certus fit, rem à se emptam alienam esse, et si age nequeat de evictione ante desuper latam & executioni datam sententiam, potest tamen agere, ut sibi premium reddatur, & insuper quanti illius intererat rem emptam habere. Castrop. loc. cit. num. 4. juxta l. servus. §. sciens. ff. de evict. proceditque hoc ipsum quod ad redditum premium, (nisi forte illud nec re nec virtute exigit amplius, hoc est, ubi consumptum, & venditor inde non factus ditor) et si non quād ad interesse, ubi venditor bona side vendidit rem alienam. Castrop. ibid. cum Gomez. l. 2. var. c. 2. n. 39. Molin. d. 380. quando venditor. & communi.

Quæst. 301. Quid possit emptor, & ad quid teneatur venditor, dum imminet evictionis periculum, eò quod emptori à domino rei venditæ lis moveatur?

1. Resp. ad primum: Ubi imminet illud evictionis periculum in ipso limine contractū præsum, vel post contractū perfectum ante solutionem pretii, potest emptor premium ejusque partem needum solutam detinere, donec ei venditor cautionem præstet de evictione, eaque præstatà venditori petenti premium numerare tenetur. L. s. potest. C. de evict. & ibi Perez num. 9. Brunem. num. 3. Gomez. Molin. LL. cit. Castrop. loc. cit. num. 2. Reiffenst. b. t. num. 364. quia tamen timere potest venditor, ipsum emptorem do lo rem emptam facere litigiam, inducendo amicos, ut sibi item moveant, ne constituto tempore premium solvere cogatur, potest venditor, ubi saltem conjecturis dolum probare potest, illum objicere emptori, eiique & actori juramentum deferre, quid nulla collusione, fraude vel dolo lis moveatur. Castrop. loc. cit. num. 3, citaris Gomez ubi ante. num. 39. Menoch. de arb. l. 2. c. 244. per tot.

2. Resp. ad secundum: Quamprimum emptori lis movetur, ad rem evincendam, tenetur sine dubio venditor, ubi id promisit emptorem ejusque causam defendere itemque afflumere, & propriis expensis prosequi. Num vero ad id teneatur etiam independenter à tali promissione ex vi contractū sive dum specialiter se ad hoc non obligavit, controvertitur. affirmat hoc ipsum Reiffenst. b. t. num. 363. cum hac tamen limitatione: Modo venditorem debito tempore emptor laudaverit, id est, legitimè intimaverit motam sibi super re vendita litem. Citat pro hoc Abb. in c. ult. b. t. num. 11. & Bartol. in l. qui absentem. ff. de procurat. probatque ex l. s. plus. ff. de evict. ubi dicitur: Mota quæstione, non ad pretium restitendum, sed ad rem defendendam conveniri potest: nimirum venditor, si enim, ut vult lex illa, ad defendendam rem conveniri potest, ad id etiam condemnari potest; cum ubi actio conceditur, etiam condemnatio fieri potest, si autem ad id condemnari potest, jam etiam tenebitur ad id independenter à tali condamnatione, uti & absque eo,

quod se ad id specialiter obligaverit, cùm lex dicta loquatur absolute, si tamen vendiderit bona fide; sciens namque se rem alienam vendidisse, non potest bonâ conscientiâ emptorem defendere, sed tenetur ultro rem restituere domino suo. Contrarium tamen, sive non teneri venditorem ad hanc defensionem, sed satisfacere solvendo interesse & pro damnis, quæ evenerunt emptori re evicta. Arg. l. empti actio. C. de evict. teneret Castrop. loc. cit. s. 3. num. 9. cum Gomez cit. num. 39. in fine. Gutt. de juram. p. I. c. 61. num. II. Molin. loc. cit. & aliis, quos citat, docet nihilominus. num. 10. citans pro hoc Bald. ad l. 1. C. de peric. & commod. rei vend. Covar. l. 3. var. c. 17. n. 10. Aufri. &c. teneri, si non lege positiva, saltem iure naturali venditorem habentem apud se instrumenta, quibus emptorem ab evictione liberare posset, defendere emptorem, etiam ad hoc ab illo non requisitum, concedendo illi ea instrumenta, et si adstrictus non sit illa per seipsum producere in iudicio, cùm id possit ipse emptor. Docet item num. II. Arg. l. s. parenti. C. de evict. l. s. bares. C. de litigiosis. l. 2. de accusation. & citatis pro hoc Gomez. ubi ante. Gutt. loc. cit. num. 14. Covar. præl. q. c. 13. à num. 2. Molin. cit. d. 380 quod et si emptor non teneat liti assistere, aut causam suscipere, id tamen possit, si velit causamque in totum afflumere (nimirum, ut notant citati AA. in eo statu, in quo ea illo tempore fuit cum emptore, & prius summarie probando, qualiter sua interfit causam defendere. Innoc. in c. veniens. l. 1. de testam. num. 2. Felin. in c. super. de judic. in 6. Castrop. Gomez. LL. cit.) absque emptoris mandato; cùm potius ipsius quam emptoris sit defensio; quin & invito actore, modo tamen iudicium captum non sit; hoc enim capto, et si invito actore assistere possit liti & emptorem coadjuvare, non tamen causam integre suscipere, ut Gomez. loc. cit. De cætero venditoren, et si privilegiatus. V. g. Clericus non posse causam emptoris conventi ad suum proprium Judicem deferre, sed in ea prosequenda teneri sequi forum emptoris, & apud eundem Judicem, quo lis capta est, ne caudam actoris faciat deteriore, maximè cùm venditor directè conventus, sed dispositione juris partes emptoris sustineat, tanquam communiorum & veriorum juxta. L. venditor. ff. de judic. l. 1. C. ubi in rem alt. tenent Gomez. Molin. LL. cit. Fachin. l. 2. c. 37. quos citat & sequitur Castrop. l. c. n. 12. item Abb. in c. quoniam frequenter, ut lute non contest. n. 28. Barbol. l. 1. juris Eccl. c. 39. §. 2. n. 116. Covar. loc. paul. post citand. contra Dianam p. 3. tr. 1. resol. 25. Speculat. Castrensi. Mol. Aretin. & alios nixos potissimum exemplo fisci, quem, dum venditor fuit, volunt ex speciali privilegio causam sui emptoris, deferre posse ad proprium suum Judicem. Verum hoc ipsum cum communione negant Castrop. & quos citat l. c. n. 13. Covar. l. c. c. 8. n. 3. Rebuff. de dilat. c. 4. gl. unic. n. 9. Fachin. l. c. &c. cùm, quod fiscus non teneatur sequi forum sui emptoris, nullo textu habeatur, adeoque standum juri communi, quin & ut Idem Castrop. responderi possit ad simile de fisco, esse id privilegium illius omnino singulare, quod in Clerico aliisque privilegiatis non reperitur.

Quæst. 302. An & qualiter tam ut emptor agere possit de evictione contra venditorem, quam ut venditor possit, aut

Aa 3 etiam

*etiam teneatur defendere emptorem
litemque assumere, emptor ei denun-
ciare debeat litem sibi motam?*

1. Resp. primò: Teneri in ordine ad utrumque emptorem legitimè intimare, motam sibi super re vendita item; prout constat ex *l. emptore.* & *l. empti actio.* *C. de evict. c. fin. b. t.* & quidem de priore signanter Castrop. *cit. §. 3. n. 1.* ubi etiam, quòd id procedat, etiam si vendor ipse item moverit; èd quòd, ubi denunciatio requiritur, non tam ad denunciatum certiorandum, quam ad ipsum certioratum disponendum, ut aliquid faciat non sufficiat notitia aliunde habita. Quòd si tamen evidens & manifestum esset, rem venditam esse alienam, nullamque competere vendori defensionem, emptorem non teneri facere ullam denunciationem litis motæ, sed posse sine illa agere exempto contra venditorem ad recuperationem pretii & interelle, astruit Reissenst. *b. t. n. 379.* citatis pro hoc Covar. *l. 3. var. c. 3. n. 6.* Fachin. *l. 3. controv. 37.* Felin. *in c. cum olim. de judic. n. 11.* èò quòd jura hanc denunciationem requirant, ut vendor se suumque emptorem defendere possit; quod cùm nequeat, dum evidens est rem esse alienam; quin & emptor item & causam, utpote manifestè injustam, etiam invito venditore, defensere teneatur, hæc denunciatio est omnino frustranea. Quòd ad alterum etiam AA. communiter conveniunt, & quidem qualis intimatio seu denunciatio requiritur, ut emptor agere possit contra venditorem de evictione, talis etiam requiritur, ut vendor causam emptoris defendere & assumere possit. Unde

2. Resp. secundò: Ut hæc denunciatio rite fiat, seu vendor legitimè laudetur, primò non sufficit simplex significatio litis motæ; neque etiam denunciatio alias solemnis & authentica, ut volunt Salicet. & alii apud Castrop. *loc. cit. num. 2.* Sed requiritur, ut ea denunciatione interpelletur & requiratur quoque vendor, ut veniat & causam emptoris suamque defendant, & liti motæ affiat, ut constat ex *cit. c. fin. b. t. & l. 1. C. de peric.* & *commod. rei vend.* *l. 1. §. fin. ff. de evict. l. si parentes.* *l. empti act. C. eod.* & tenent cum communione. Abb. *in cit. c. fin. num. 3.* Guttier. *de juram. c. 61. num. 5.* Castrop. *loc. cit.* Accludendum quoque huius denunciationi libellum seu ejus copiam, quo continantur acta litis motæ, ut vel sic vendor cognoscere valeat & deliberare, an cedere, an contendere malit, tanquam longe verius defendit Castrop. *loc. cit. n. 3.* citatis pro hoc Bartol. *in l. non solum. ff. de nov. oper. nunciat.* Covar. *l. 3. var. c. 17. num. 5.* Gutt. *loc. cit. n. 6. & 7.* Fachin. *l. 2. c. 34.* Contrarium, sive talēm libellum non esse necessarium, saltem in casu, quo vendori à Judice fit denunciatio, sententibus. Molin. *l. c.* Gomez. *Angel.* &c. Secundò hæc denunciatio facienda venditori debito tempore, quòd adhuc emptorem possit defendere; ac proinde fieri debet ante testium publicationem & conclusionem in causa, seu antequam tempus probationum & exceptionum elapsum sit, Covar. *l. c. n. 8.* Castrop. *l. c. n. 7.* juxta *l. si rem. §. 2. ff. de evict.* adeoque opus non est, ut fiat ante litis contestationem, ut Speculat. quamvis id optimum & securissimum dicat Reissenst. *b. t. num. 368.* cùm sic vendor adhuc habeat libertatem eligendi; an velit absque expensis cedere, an item excipere cum expensis & periculo perdendi. Quin imo, si hæc denunciatio facta non

est in prima instantia, posse adhuc fieri in secunda seu causa appellationis, modo adhuc omnia sint integra & salva venditori; quia possunt admitti omnes probations & exceptiones super articulis in prima instantia adductis, tradunt cum Gl. *in cit. l. si rem. v. quolibet.* Jo-And. Host. *Imol. in c. fin. b. t.* Gomez. *cit. c. 2. num. 39.* Covar. *cit. num. 8.* Castrop. *loc. cit.* Tertiò debet fieri hæc denunciatio ipsi venditori in praesentia, si commodè reperiri potest, alias ad ejus domum coram domesticis vel viciniis; & si constet illuna malitiosè subterfugere denunciationem, ab ea liberatur emptor, intellige, ut is contra venditorem agere possit. Arg. *l. fin. §. fin. ff. de evict. & ibi Bartol.* Gomez. Molin. *LL. cit. Castrop. l. c. n. 4.* Morto vero venditore, debet hæc denunciatio & interpellatio fieri ejus hereditibus. Et quia non quilibet herares integrum, sed pro sua hereditatis parte obligationem defuncti suscipit, emptor, ut integrè de evictione agere possit, debet omnes heredes citare. Gomez. Castrop. *LL. cit.* Porro ab hac denunciatione facienda in ordine, ut emptor agere possit contra venditorem de evictione sibi praestanda, excipitur minor, cui res vendita est; hic enim venditorem scientem aliunde item motam esse non tenetur denunciare nec interpellare. Arg. *l. in minorem. C. in quib. caus. rest. in integ. non est neceſſe.* Castrop. *loc. cit. num. 5.* quod ipsum *num. 6.* cum Covar. *l. c. n. 5.* Tiraquell. *de privil. pia caus. privileg. 140.* Fachin. Molin. *LL. cit.* extendit ad Ecclesiam, utpote quæ jure minorum utitur.

*Quæſt. 303. An facta legitimè dicta de-
nunciatione emptor excusat à pro-
secutione litis & defensione rei em-
ptæ?*

Resp. negativè; alias siquidem re evicta per auctorem, agere non posset de evictione contra venditorem; cùm suā culpā ceciderit causā. Castrop. *loc. cit. §. 3. n. 8.* Arg. *l. 1. C. de peric.* & *commod. rei vend.* secus tamen est, ubi vendor promisisset expressè causam defensionem; cùm enim ea promissione in se suscepit obligationem emptoris, huic culpæ imputanda non est omissione defensionis. Castrop. *l. c. cum Gutt. p. 1. de juram. c. 61. n. 8. & 10.* quod ipsum à fortore procedit, si vendor juraverit defensionem; iidem.

*Quæſt. 304. An & quos sumptus ab em-
ptore impensis in item & liberatio-
nem rei ab evictione vendor tene-
tur eidem refundere?*

1. Resp. ad primum: Re liberata ab evictione expensis emptoris, tenetur vendor, cui debet facta denunciatio litis motæ ad eos sumptus ei refundendos, si emptor victor ab auctore succumbente eos non recuperavit. Bartol. *Im. l. Are-
tin. & alii in l. venditores. ff. de P. O.* Abb. *in c. fin. b. t. circa finem.* Gomez. *2. var. c. 2. n. 47.* Caball. *tr. de evict. §. 3. num. 146.* Fachin. *l. 2. controv. c. 39.* Molin. *d. 380. in fine.* Quos citat & sequitur Castrop. *l. c. §. 5. n. 3.* dicens communem & omnino amplectendani contra Gl. & Bald. *in l. 1. C. de evict.* Speculat. Fulgoſ. &c. tenetur siquidem vendor facere, ut emptor habeat rem venditam liberè, hoc est, sine sumptibus in ejus retentionem impensis; taliter autem eam non haberet, ubi congeretur suis sumptibus à venditore non refun-
dendis

dendis illam ab evictione liberare. Et esto non teneatur venditor determinatè causam suscipere & emptorem defendere, tenerit tamen sub disjunctione causam suscipere agendum & defendendum (& quidem suis sumptibus. *L. quod nisi. ff. de oper. libert. Reiffenst. b. 1. num. 376.*) vel interesse solvere, ad quod interesse etiam spectat, quanti emptoris interest eam non habere liberè seu sine sumptibus; adeoque ad hos refundendos tenetur venditor, et si ipse causam illius non suscepit aut defendenter.

2. Resp. ad secundum: Non tantum tenetur refundere sumptus factus ab emptore litis instituendæ gratia, ut sunt, qui facti sunt in adducendis testibus extraneis, instrumentis & aliis hujusmodi, ut volunt Castren. & Alex. in *l. venditores. ff. de V.O.* sed ad omnes, quotquot pro defensione causæ fuerunt necessarii; cum venditor teneatur, non tantum instruere emptorem in lite ei mota, sed sumptuiter eum defendere juxta *l. § plus. §. mota. ff. de evictione.* ita probabilius Castrop. cit. §. 5. num. 5. cum Fachin. *l. 1. controv. c. 39. in fine.* Arg. *l. sed eti. §. defendere. ff. de Procurator.*

Quæst. 305. Num actio de evictione competens emptori adversus suum venditorem transeat quoque ad particularē emptoris successōrem?

R Esp. Actio hec est personalis, ideoque non transit in successōrem emptoris, uti exp̄s̄ habetur *l. fin. §. fin. ff. de contrah. empt.* sic si prædium emptum à Cajo vendidiit iterum aut donasti Titio, à quo illud dein evictum, Titius agere de evictione non potest contra Cajum, quia ab eo non accepit, neque contra evincētē, quia is ei injuriam non intulit; neque etiam tu agere potes contra venditorem tuum Cajum; quia venditor tenetur solum defendere emptorem suum, ne ab eo res evincatur; jam verò in hoc casu res non evincitur à te, seu eripitur tibi, sed ab emptore tuo evincitur & auffertur, ita Castrop. loc. cit. §. 6. num. 1. Limitanda tamen responso primō: Nisi in re ad te rursus vendita seu donata referaveris tibi jus aliquod. V. g. concedendo eam in dotem, feendum vel emphyteusin; tunc enim re illam emptori vel donatario tuo evictā agere poteris contra venditorem tuum de evictione; cum tunc eo ipso sit evictio simul tui & tui emptoris, dum huic auffertur res & tibi jus, quod in ea tibi reservasti. Adde, quod si res evicta emptori tuo hic contra te agat de evictione, & condemnaris ad reddendum ei pretium, agere possis contra venditorem tuum; cum perinde sit te condemnari ad redditionem pretii recepti, ac rem venditam tibi à te evinci; ita Castrop. loc. cit. n. 2. in quo tamen postremo is sibi contradicere videatur, dum paulo ante dixerat emptorem primum non posse in hoc casu agere contra venditorem suum, dum res non evincitur ab ipso, sed ab eo, cui ea rursus vendita, ex eo capite, quod venditor non teneatur defendere emptorem, nisi in eo casu, quo res ab eo evincitur; nisi dicere velis, in hoc casu condemnationis ad reddendum pretium, rem ipsam ab eo evinci virtualiter. Limitanda secundo: nisi cesseris emptori vel donatario tuo actionem de evictione tibi competentem; tunc enim poterit ipse emptor tuus vel donatarius agere contra venditorem tuum, non in

virtute venditionis, sed cessionis sibi à te factæ juxta textum expressum. *L. si res quam. ff. de evict.* Castrop. loc. cit. num. 3. cum Gomez.

Quæst. 306. In quibus casibus de evictione emptori non teneatur venditor?

1. R Esp. hi casus sunt ferè sequentes. Primus secundum dicta quæst. ante hanc 3. si venditor non fuerit legitimè laudatus, sive si emptor omiserit ei debito modo intimare litem motam esse sibi, ut id ei secundum jura intimari debebat; nisi tamen ipse venditor obligationem hanc denunciandi emptori (ut potest, cum in ejus favorem inducta) remississet. *L. Herennius. ff. de evict.* Castrop. loc. cit. §. 4. num. 1.

2. Secundus: Si venditor credens rem venditam nulli periculo evictiōnis subesse, cum emptore convenit, ut non teneatur de evictione forsan futura; tunc enim re evicta, non tenetur de evictione, saltem quod ad præstandum interesse & damna emptori secura, etiā non excusetur de pretio reddendo, nisi & de hoc expressè conventum, secus si à venditore sciente vel dubitate de periculo evictiōnis sic conventum, pro ut hæc dicta sunt supra; quod si etiam conventione illa concepta non generaliter, sed determinatè ex aliqua certa causa vel persona. V. g. ut non teneatur de evictione ex lite mota à Titio, vel ex sententia lata per imperitiam Judicis, de evictione dein secura non teneri emptorem etiam quod ad pretium; immo licet venditor processisset mala fide, tenent apud Castrop. loc. cit. n. 3. Gomez cit. c. 1. n. 39. Tiraq. de retract. confang. §. 12. gl. 1. n. 14. Natta cors. 181. n. 7. Marsil. sing. 656. Et c. favet Gl. in *l. libertatis. ff. de evict.* & ibid. Bald. Salicet. eò quod, dum exprimitur certa causa, emptor cogitare debet, adesse ibi periculum, ideoque sibi imputare debeat, quod periculum non caverit. Verum contrarium sententiam, nempe ex vi illius exceptionis determinatæ non aliter venditorem liberari ab evictione præstanta, quācum cum evictio generaliter excluditur, nimur tantum quod ad interesse solvendum, non verò quod ad pretium, tenent probabilius Rubeus in *l. non solum. §. morte. ff. de nov. oper. nunc. num. 446.* Covar. 3. var. c. 26. Fachin. *l. 2. controv. c. 40.* Molin. loc. cit. d. 380. §. secundus. quos citat & sequitur Castrop. loc. cit. num. 4. argumento sumpto ex *l. emptorem. ff. de act. empti.* ubi non sit quod ad hoc distinctione inter renunciationem factam generaliter & factam ex causa determinata; sitque in utroque casu eadem ratio sic decidendi dicta leg. nimur, ne venditor cum iactura emptoris amittens pretium luoculetetur. Adhac nullus sit titulus, quod venditori pretium applicetur seu relinquatur. Non permutationis, cum res vendita fuerit aliena, & in emptoris dominium non transferit. Non donationis; cum hæc præsumenda non sit, ubi alia causa agitur, scilicet permutationis rei cum pretio. Non pœnæ; cum ex eo, quod consenserit in liberationem venditoris ab evictione præstanta ex tali speciali causa, præsumi nequeat, eum mala fide emissè; cum adhuc probabilitate existimare potuerit, venditorem ob suam omnimodam securitatem, & non quia res aliena esset, aut periculo evictiōnis subfasset, eam causam specialem ceperisse. His non obstante *l. libertatis. ff. de evict.* cum ibi dicatur tantum,

non

non teneri venditorem evictionis nomine; quod intelligendum, ut iura juribus concordent, ministrum lex hæc cum *l. venditorem*, tantum de interesse; non vero de pretio.

3. Tertius casus est, si emptor contumaciter absfuit tempore promulgationis sententia condamnatoria. *c. fin. b. t.* eo quod tunc potius ob absentiam & contumaciam condemnatus videatur, quam quod malam fidem habuit, prout dicitur *l. s. video. ff. de evict.* ideoque sibi emptor, non vendori imputare debet. Barbol. in *c. fin. b. t. n. 14.* Covar. loc. cit. *c. 17. num. 9.* Castrop. loc. cit. num. *6.* qui tamen duo posteriores id ita limitant: nisi emptor probaverit se fuisse in judicio praesentem, dum causa discuteretur, diligenterque defensiones allegasse, eò quod tunc ejus absentia tempore promulgationis sententia nullius fuerit praecipitum, cum etiam praesens condemnaretur eodem modo.

4. Quartus: Si emptor etiam facta vendori legitimè intimatione litis motæ, venditore absente non appellaverit à sententia. *L. s. bona. C. de administ. tutor. junct. l. Herennius. ff. de evict.* nisi tamen emptor manifestè agnoscat justitiam sententia, ideoque ab appellando abstineat. Si enim manifestè agnosceris rem sibi venditam esse alienam, teneatur etiam ante sententiam vero dominum eam reddere, eaque reditta agere contra venditorem ad pretium & interesse, à fortiore idem poterit, re per sententiam, quam justam agnoscit, evicta & verò domino tradita. Covar. Fachin. *LL. cit.* Molin. loc. cit. §. tertius. Castrop. loc. cit. num. *7.* Secus est, seu teneretur emptor etiam venditore praesente, vel intimata ei sententia appellare, nisi velit jure evictionis privari, dum credit se habere bonam causam, & ob imperitiam Judicis aut iniquam informationem sententiam non esse justam; quia ista sententia iniqua, emptore non reclamante nocere non debet venditori. Bald. in *l. Herennius. §. Caja in fine.* Covar. Fachin. *LL. cit.* Gomez. loc. cit. *c. 2. num. 40.* Castrop. num. *8.* Cujus contrarium, sive non esse obligationem appellandi, dum causa dubia & ambigua est, etiæ habeat communior, quam tenet Gl. & Bartol. in *cit. §. Caja.* Molin. in *c. fin. b. t. num. 8.* Natta *consil. 206.* Gomez. Fachin. *LL. cit.* Verius tamen in hoc quoque causa emptorem obligatum esse ad appellandum, censet Castrop. num. *9.* citans Bald. Molin. Covar. *LL. cit.* eo quod esto in hoc casu pro sententia sit presumptio, hæc tamen coram Judice appellationis probationem admittat, quia facta, sape sententia prior revocatur; & forte in secunda instantia adducuntur probationes & instrumenta, quæ justitiam emptoris declarant, eumque ab evictione liberent; adeoque culpam emptoris omittentis hanc appellationem evicta res censetur; atque ita is de evictione contra venditorem, cui ista evictio imputari non debet, agere nequit. Quod ipsum tamen sic temperat Castrop. num. *10.* cum Gomez. *l. c.* & aliis ab eo relatis juxta *l. Herennius. §. Caja.* Ut censes etiam in hoc casu obligatio appellandi in emptore, si vendori praesens fuerit, aut ei congruo ad appellandum tempore sententia late intimata fuerit. His non obstante, quod dictum supra ex eodem Castrop. teneri emptorem etiam post denunciationem motæ litis prosequi item & causam evictionis defendere; nam id verum est, quousque sententia condemnatoria accedat absente venditore vel impotente ad defendantem.

5. Quintus: Si culpa Judicis, puta per imprudentiam aut imperitiam illius, errantis in jure vel facto, vel ejus malitiam res evicta fuit. *c. fin. b. t. l. s. per imprudentiam. C. de evict.* cum tunc evictio non contingat ex re vendita, quod hæc sit aliena, sed ab extrinseco & accidenti, ac si per futrum auferatur; ac proinde tanquam casus fortuitus reputanda cedit periculo emptoris, non venditoris. *L. necessario. ff. de peric. & commod. rei vend. l. 1. C. eod. §. cum autem Inß. b. t.* Gomez. loc. cit. Covar. loc. c. n. *10.* Molin. *l. c. §. quartus.* Castrop. loc. cit. num. *11.* qui etiam id verum dicit, etiæ lata contra ipsum venditorem; eò quod is causam emptoris suscepit juxta *l. 2. §. solet. de bæred.* & act. vend. cum illa causæ suscepito non impediat, quod minus evictio non procedat ex re vendita, sed ex culpa Judicis; immo licet Judex hanc iniquitatem commiserit inodium venditoris, non tamen hic obligatur de evictione, cum talis iniquitatis ipse causa non fuerit, etiæ forte odio & inimicitia causam dederit; idque, sive inimicitia antecellerit venditionem, sive eam subfecuta fuerit; cum evictio non procedat ex inimicitia, sed ex malitia Judicis. Secus tamen est, si vendor se obligasset de evictione, etiam ei per injuriam Judicis contingere. Gutt. p. *1. de juram. c. 61. num. 17.* Decius *conf. 74. num. 2.* Castrop. num. *12.* Quam tamen etiam obligationem venditoris de evictione praestanda se non extendere ad injustitiam, quā Judex prætermisso juris ordine evictionem præstaret, utpote insolite & raro contingentem, sed tantum ad eam, quam Judex committeret ex imprudentia & iniquitate actori favendi vel emptorem affligendi gratiâ, docent citati AA. poterit tamen in his re injustè evicta culpa Judicis agere contra eundem emptor juxta *l. 2. C. de pœn. judic. qui male judic.*

6. Sextus: Si res evicta per sententiam arbitrii, in quem, ut item decideret, consensit emptor. *L. s. villum. ff. de evict.* Cum enim arbiter non nisi ex consensu partium habeat jurisdictionem, censeatur is ex voluntate emptoris præstare evictionem, ita cum communis Castrop. num. *13.* Gomez. loc. cit. num. *41.* idem ob eandem rationem clientes, si emptor sponte prorogavit jurisdictionem, consentiendo in Judicem non suum. Ex qua ratione etiam deducitur contrarium esse, sive emptorem adhuc agere posse de evictione, si non sponte, sed ex forma legis vel statuti cogatur compromittere.

7. Septimus: Si ex culpa aliqua emptoris latente sententia pro auctore & res evicta. V. g. si sua culpa amisi possessionem, & ex reo factus est auctor, ac ita item amisit. *L. s. rem quam. ff. de evict.* Gomez. Molin. *LL. cit.* Castrop. num. *21.* idem dicentes de re quacunque alia, quæ emptori in causa esse potuit item amittendi; item si culpa sua omisit rem usucapere seu prescribere. *L. s. dictum. §. sed cum possit. ff. de evict.* Gomez. loc. cit. num. *42.* Molin. d. *386. circa finem.* Castrop. n. *20. cum communis.*

8. Octavus: Si emptor sciens alienam aut alteri obligatam emit, ita ut tune ne quidem quod ad pretium agere possit de evictione. *L. s. fundum. C. de evictione.* ubi expreſſe, non posse emptorem in eo casu agere ad restitutionem pretii, nisi evictione expreſſe convenerit. Gomez. *cit. n. 41.* Fachin. *l. 2. controv. c. 40.* Castrop. *n. 16.* non quidem, ut Gomez, ex eo capite, quod censetur pretium donasle; sed potius

potius in pœnam delicti commissi in tali emptione, ut Castrop. quin nec pretium nondum solutum retinere, saltem post latam sententiam; focus in foro conscientie ante Judicis declaracionem, ut Castrop. Neque hic facienda distinctio inter emptionem rei pro rō alienæ, & rei non alienæ quidem, sed alteri obnoxiae; v.g. ex fideicomisso obnoxiae restitutioni, ut in hoc casu emptor agere possit ad pretium, ut Cov. referens alios; cum *cit. l. sifundum*. exp̄sc̄ loquatur tam de re pro rō aliena, quam tantum obnoxia alteri. Cui qualiter non contradicat *l. fin. C. commun. de legat.* vide apud Castrop. num. 17. ubi etiam, quod generalitatem cit. *l. sifundum*. admittenda non sit limitatio; nimurum, quod ubi pretium receptum à venditore converendum est in ejus utilitatem posse agere emptor de restitutione illius. Porro nequaquam ex dictis inferendum, venditorem posse pretium illud in specie vel æquivalenter retinere, cum nullus sit titulus, sed in foro conscientie reddendum emptori, in foro vero externo adjudicandum fisco, ut Castrop. n. 18.

9. Nonus: si emptor per vim expellatur à rei venditæ possessione, etiam dum venditor de evitio stipulatus fuisset, aut promisisset emptorem defendere de jure & de facto. *l. fin. de act. empt.* cum illa promissio defensio intelligi debeat, ubi ea

est possibilis, & res justè; non autem injustè evincitur. Gomez. loc. cit. n. 42. Castrop. l. c. n. 19.

10. Decimus: dum emptor ex mandato Principis cogitur vendere, aut alio contractu oneroso tradere rem venditam; tum quia tunc videtur res evicta per casum fortuitum in quo cessat evictio juxta *l. Lucius. ff. de evict.* tum quia non evincitur ob defectum, quem res à venditore accepit, quemque propterea is reparare non tenetur. Gomez. cit. num. 41. Castrop. num. 14. qui idem ob easdem causas, dicunt de casu, quod res evincitur per viam retractus. Item dum res speciali jure; v.g. beneficio restitutionis in integrum evinceretur; nisi tamen in eo casu promissa à venditore præstatio evitio. Gomez. n. 42. Castrop. n. 15. agi tamen tunc potest ad pretii restitutionem, ut idem.

Quæst. 307. In quibus è contra contractibus evictio locum habeat?

R Esp. non tantum in contractu emptionis & venditionis, sed in quolibet contractu oneroso, etiæ evictio promissa non sit; cum ex ipsiusmet illis contractibus ea nascatur. *l. libera. C. de sent. & interlocu. omn. Jud.* qualiter vero in specie respectu singulorum locum habeat, dicetur, ubi de singulis in specie contractibus dicetur. vide tantisper Castrop. tr. 33. d. 5. p. 28. f. 1.

CAPUT SEXTUM.

De aliis Effectibus Emptionis & Venditionis, ubi de periculo & commodo Rei venditæ, de Actionibus Empti.

Quæst. 308. Periculum rei venditæ Venditione perfecta num spectet ad Emptorem, an vero ad venditorem?

R Esp. Venditione rei certæ & determinata facta ad corpus perfecta, nimurum consensu utrinque pure & absolute præstito, periculum. (quo nomine hic venit casus fortuitus circa rem venditam contingens, quo ea vel in totum vel pro parte perit vel destruitur, tum ab intrinseco, puta ob mortuum aliudvit vitium in ipsa re ex causis intrinsecis ortum; tum ab extrinseco; v.g. per incendium, inundationem, injunctam ablationem circa culpam vendoris. Struv. ad *ff. de peric. & commod. rei vendite. th. 95*) etiam ante pretium annumeratum & traditionem rei, sive, antequam dominium in emptorem translatum, regulariter spectat ad emptorem, seu res perit vel deterioratur emptori, ita ut non obstante illo interitu vel deterioratione rei, is integrum pretium, si forte nondum solverit, solvere teneatur. §. cum autem. *Infl. b. t. juncta Gloss. quod sape. §. si res ff. de contrah. empt. l. necessari. ff. de peric. & commod. l. 1. & seq. C. cod. Molin. de f. & f. l. 2. d. 366. num. 11. Lefl. l. 2. c. 21. du. 12. n. 96. de Lugo. de f. & f. d. 26. n. 216. Pith. h. t. num. 49.* Ratio siquidem æquitatis postulat, ut qui sentit commodum, periculum quoque subire debeat. *l. 10. ff. de reg. iur. emptor autem perfecta venditione statim sentit commodum, ut dictum supra, & dicetur amplius paulo post. Rationem à R.P. Leur. Jur. Can. Lib. III.*

priori aliqui cum Grotio *de jur. bell. & pac. l. 2. c. 12. num. 15.* petunt ex eo, quod per fictionem juris dominium rei venditæ transeat ad emptorem juxta illud. *l. 15. de reg. iur. actionem habens ad rem, rem ipsam habere videtur. Quod ipsum impunant alii.* Muller. *ad Struv. l. c. th. 97. Lit. 3. & maximè Hahn ad Weßenbee. tit. cod. num. 1. eò quod istiusmodi legalis transitus dominii sine traditione sit contra mentem Imperatoris in cit. §. 3. Infl. b. t. & nequaquam asserendum, nisi ubi lex ita statuit; hoc autem nullibi à lege statutum reperitur in præsente casu. Unde Muller. Hahn. LL. cit. Lauterb. ad ff. cit. tit. §. 2. independenter à tali fictione melius ex eo rationem petere videntur; quod licet venditione perfecta ante traditionem dominium nullum sit penes emptorem, is tamen statim ius habeat ad rem petendam, & venditor obligationem ad hanc in specie rem ei tradendam, ac ita emptor constituantur creditor, qui rem à venditore pro libitu avocare potest, & venditor debitor. Quapropter hic casuali rei interitu liberetur, & res emptor tanquam ejus creditori in effectu perit. l. 23. ff. de V. O. Unde etiam facilè respondetur ad illud l. 9. C. de pignor. act. res perit domino suo: admittendo id verum esse, nisi dominus rei simul sit debitor. Adde, quod inquinum sit, dominum esse venditoris existens extra culpam, & semper parati rem soluto pretio tradere, dum emptor ubi potest, eam ab illo non avocat, & ita ea apud venditorem perit. Histamen non obstantibus nil vetat dicere*